

Ka Gospel Kat Kum U Markos

U İoannis U Nongprat Lynti

(Mt. 3:1–12; Lk. 3:1–9, 15–17; İo. 1:19–28)

1 ¹Ka jingsdang jong ka Khubor Babha shaphang U Jisu Khrist, U Khun U Blei ²kumba la kren da u nongiathuhlypa İsaiah:

“To shahshkor! Ngan phah ia u nonglamktien jong nga ha shuwa jong me.

Un pynkhreh ka lynti na ka bynta jong me.” *Malakhi 3:1*

³ “Ka sur jong uta uba pyrta ha ka ri khlaw:

‘Pynkhreh ka lynti na ka bynta U Trai. Pynlong ka lynti ba beit namar jong u.’” *İsaiah 40:3*

⁴ Kumta u İoannis nongpynbaptis u la wan u da pynbaptis ia ki briew ha ka ri khlaw. U la ialap ba ka dei ia ki ban pynbaptis kum ka dak jong ka jingkylla kaba mut bad ban ioh mab na ki pop. ⁵ Baroh kiba na Judia bad kiba na Jerusalem, ki la wan sha u İoannis. Ki da phla ia la ki kam bymman ba ki la leh bad u la pynbaptis ia ki ha ka wah Jordan.

⁶ U İoannis u da phong da ki jaiñ shñiuh ut bad u panpoh snieh ha ka syngkai bad ka jingbam jong u ka long da ki puit bad ka ngap khlaw.

⁷ Kane ka dei kaei kaba u İoannis u la ialap sha ki briew: “Don uwei uban sa wan kham hadien uba lah ban leh kham palat ia kaba nga leh. Ngam long uba bit wat tang ban law ia ki ‘sai juti jong u. ⁸ Nga pynbaptis ia phi da^a ka um, hynrei uta uban sa wan nadien un pynbaptis ia phi da^b U Mynsiem Bakhuid keiñ.”

U İoannis U Pynbaptis İa U Jisu

(Mt. 3:13–17; Lk. 3:21–22)

⁹ Ha kata ka por, U Jisu u la wan na ka shnong Nasaret kaba ha Galilaia sha ka jaka ha kaba u İoannis u la don. Bad u İoannis u la pynbaptis ia U Jisu ha ka wah Jordan. ¹⁰ Katba U Jisu u dang mih noh na ka um, u la iohi ia ka bneng ba ka la plie

wang bad U Mynsiem Bakhuid u la hiar ha u kum ka paro. ¹¹ Ka sur na bneng ka la wan bad sawa, “Me long U Khun jong nga, uba nga ieid bad sngewbha eh.”

La Pynshoi İa U Jisu

(Mt. 4:1–11; Lk. 4:1–13)

¹² Te U Mynsiem u la phah ia U Jisu sha ka ri khlaw marwei. ¹³ U la don hangta sawphew sngi, ba la pynshoi ia u da u Soitan. Lyngba kata ka por u la don hapdeng ki mrad khlaw. Te ki angel ki la ia shakri ia u.

U Jisu U Sdang İa Ka Jingshakri Jong U Ha Galilaia

(Mt. 4:12–17; Lk. 4:14–15)

¹⁴ Hadien ba la set byndi ia u İoannis, U Jisu u la leit sha Galilaia bad u la ialap ha ki briew ia ka Khubor Babha U Blei. ¹⁵ U la ong, “Ka ia kaba dei ka long mynta. Ka Hima U Blei ka la jan. To phin kylla kaba mut bad ngeit ia ka Khubor Babha!”

U Jisu U Jied İa Ki Nongbud

(Mt. 4:18–22; Lk. 5:1–11)

¹⁶ Katba U Jisu u dang ia id harud ka duriaw Galilaia, u la iohi ia u Simon bad ia u para jong u, u Andriw. Kine ar ngut ki la long ki nongtong dohkha bad ba ki dang bret ia ki jar ban tong dohkha. ¹⁷ U Jisu u la ong ia ki, “To wan, bud ia nga bad ngan pynlong ia phi ki nongtong briew.” ¹⁸ Kumta kumta hi ki la iehnoh ia la ki jar bad ki la bud ia U Jisu.

¹⁹ Katba U Jisu u la nang leit kham sha khmat, u la iohi sa ia ki ar ngut shipara, u Jakob bad u İoannis, ki khun u Sebedi. Ki la don ha ki lieng jong ki, ki da pynkhreh ia la ki jar ban tong dohkha. ²⁰ Haba U Jisu u la iohi ia kine ki shipara, u la khot ia ki ban wan bud ia u. Ki ruh ki la iehnoh ia la u kpa bad ia ki nongbylla ha kata ka lieng bad ki la bud ia U Jisu.

U Jisu U Pyllaitluid İa U Briew Na U Mynsiem Bymkhuid

(Lk. 4:31–37)

²¹ Te U Jisu bad ki synran jong u ki la leit sha Kapernam. Ha ka sngi Sabbaton, U Jisu u la rung sha ka synagog bad u la hikai ia ki briew. ²² Ki la anglyngngoh ia ki

^a **1:8 da** Ha ka ktien Grik kamut ruh ‘ha’

^b **1:8 da** Ha ka ktien Grik kamut ruh ‘ha’

jinghikai jong u namar um shym la hikai kum ki nonghikai ka hukum. U la hikai kum uba don ia ka iktiar. ²³Katba U Jisu u dang don ha ka synagog, la don u briew uba shong u mynsiem bymkhuud ha u. Uta u briew u la pyrta, ²⁴“Jisu nong Nasaret! Ngi donkam aiu bad me? Hato me la wan ban pynjot ia ngi? Nga tip me dei uei, Uba Khuid jong U Blei!”

²⁵U Jisu, u la dumok ia u, “Sngap jar ma me, mih noh ruh na u!” ²⁶Uta u mynsiem bymkhuud u la ring kyrthar ia uta u briew, u da lynnaiar jam bad mih noh ruh na u.

²⁷Kita ki briew te ki la ia lyngngoh. Ki la ia kylli para ma ki, “Kaei kane kaba la jia hangne? Une u briew u hikai ia kaei kaei kaba thymmai bad u hikai ruh da ka iktiar! U hukum ia ki mynsiem bymkhuud bad ki ia kohnguh ruh ia u.” ²⁸Te kumta ka nam shaphang jong u ka la phriang sted eh kylleng ki phang ka Galilaia.

U Jisu U Pynkhiah Shibun ki Briew

(Mt. 8:14–17; Lk. 4:38–41)

²⁹Haba U Jisu lem bad ki synran jong u ki la mih noh na synagog, ki la leit lem bad u Jakob bad u Ioannis sha ka iing jong u Simon bad u Andriw. ³⁰Te ka kiaw kurim u Simon ka la thiah ha ka jingthiah namar ka jingpang khieshoh bad hangta hi ki la iathuh ha U Jisu shaphang jong ka. ³¹Kumta u la leit sha ka jaka ba ka thiah. U Jisu u la bat ia ka kti jong ka bad u la khyllie ia ka. Te kumne kumne ka khieshoh ka la iehnoh bad la pynkhiah ia ka bad ka la sdang ban shakri ruh ia ki.

³²Ha kata ka janmiet hadien ba la sep ka sngi, ki briew ki la wallam ha U Jisu shibun kiba pang bad kiba shong ksuid ruh.

³³Baroh te ha kata ka shnong ki la ialum ha ka jingkhang jong kata ka iing ³⁴bad U Jisu u la pynkhiah ia kiba bun ki jait jingpang. U la beh noh ia shibun ki ksuid na ki briew bad um shym la shah ruh ia ki ksuid ban kren namar ba ki tip uei u long.

U Jisu U Leit Sha Kiwei Pat Ki Shnong

(Lk. 4:42–44)

³⁵Ha ka sngi kaba bud dangstep phyrngap eh U Jisu u la mih na iing ban leit sha ka jaka kynjah weibriew ban duwai. ³⁶Kham hadien, u Simon lem ba ki paralok jong u ki la leit wad ia u. ³⁷Ki la shem ia u bad ki la iathuh, “Baroh ki iawad ia me!”

³⁸U Jisu u la jubab, “Ka dei ia ngi ban leit sa sha kiwei pat ki jaka bad ki shnong sawdong khnang ba ngan ioh ialap ia ka khubor U Blei sha ki ruh. Na ka bynta kane

ka jingthmu nga la wan khnang.” ³⁹Kumta U Jisu u la leit kylleng ka Galilaia. U da ialap ha ki synagog bad beh ruh ia ki ksuid na ki briew.

U Jisu U Pynkhiah ia Uba Pang Niangthohlieh

(Mt. 8:1–4; Lk. 5:12–16)

⁴⁰U briew uba don ka jingpang niangthohlieh u la wan sha U Jisu. U la dem khohsiew bad kyrpad ia u, “Me don ka bor ban pynkhiah ia nga lada me mon.”

⁴¹La pynkhiah ia U Jisu da ka jingsngewsynei na ka bynta uta u briew. Kumta u la ktah bad ong ia u, “Nga mon ban pynkhiah ia me. To long khiah!” ⁴²Te kumne kumne hi kata ka jingpang niangthohlieh ka la jah noh bad la pynkhuid phar ia u.

⁴³U Jisu u la bthah ia u ban leit noh, ha ryngkat ka jingmaham kaba jur: ⁴⁴“Wat iathuh hano hano ruh ia kaei kaba nga la leh ha me. Hynrei leit bad pyni ialade ha u Lyngdoh. Ai ka jingainguh sha U Blei kaba kat kum ka hukum u Moses na ka bynta ka jingpynkhuid ia me, Khnang ban long ka jingphla ia baroh.” ⁴⁵Hynrei uta u briew u la mih nangta bad u la iathuh lut sha baroh kiba u iakynduh ba U Jisu u la pynkhiah ia u. Kumta ka khubor ka la phriang bad dei na kata ka daw U Jisu um shym la lah shuh ban rung shapoh shnong ha kaba paw. U la shong ha ki jaka kynjah shabar shnong bad u paidbah na ki shnong baroh u la wan sha u.

Ka Jingpynkhiah Ia Uba Pang Iapshiliang

(Mt. 9:1–8; Lk. 5:17–26)

2¹Khyndiat sngi hadien kata, U Jisu u la wan phai pat sha Kapernam. Te ka khubor ka la saphriang ba u la wan pat sha la iing. ²U paidbah babun u la ialum ban iohsngew ia u. Te la pyndap ia ka iing kat ban ym don jaka shuh ban ieng, wat shabar ka jingkhang ruh. Katba U Jisu u dang hikai, ³la don ki briew kiba la wallam ia u briew uba pang iapshiliang sha u ia uba la rah da ki saw ngut. ⁴Hynrei kim shym la ioh lad ban rung shapoh namar ka jingkhapngiah. Te kumta ki la kiew sha tnum bad ki la pynpei thliw hamar ka jaka kaba U Jisu u don bad ki la pynhiar ia ka jingthiah ha kaba la thiah uta uba pang iapshiliang. ⁵Haba U Jisu u la iohi ia ka jingngeit jong ki, u la ong ha uta uba pang iapshiliang, “Ko khun, la mab noh ia ki poj jong me.”

⁶Katto katne na ki nonghikai ka hukum kiba don hangta ki la iöhi ia kaei kaba U Jisu u la leh bad ki la pyrkhathalade,⁷“Balei ba une u briew u kren ia kum kita ki ktien? Ka dei ka jingkren bein Blei Ym don ba lah ban mab ia ki pop hynrei tang U Blei hi.”

⁸U Jisu u la tip kaei kaba kine ki nonghikai ka hukum ki ia pyrkhath. Kumta u la ong sha ki, “Balei ba phi ia pyrkhath kum kita ha ki jingmut jong phi?”⁹⁻¹⁰U Khun u Briew u don ka iktiar ha ka pyrthei ban mab ia ki pop. Hynrei da kumno ngan pynshisha sha phi ia kane? Lehse phi ia pyrkhath ba ka kham suk ia nga ban ong sha une uba pang iapshiliang, “La mab ia ki pop jong me.” Kam don satia kano kano ka jingpynshisha ba la mab ia u. Hynrei kumno lada ngan ong sha u, “Ieng joit, shim ia la ka jingthiah bad iaid? Te hangta phin iöhi la nga don shisha ne em ia ka iktiar.” Kumta U Jisu u la ong ia uba pang iapshiliang,¹¹“Nga ong ha me, ieng joit. To rah ia la ka jingthiah bad leit noh sha la iing.”

¹²Te kumne kumne uta uba pang iapshiliang u la ieng joit. U la shim ia la ka jingthiah bad mih noh ruh na kata ka kamra. Baroh ki la iöhi ia u. Ki la ia lynggoh bad iaroh ruh ia U Blei. Ki da ong, “Kane ka long kaba phylla kaba ngim pat ju iöhi!”

U Lebi U Bud Ia U Jisu

(Mt. 9:9-13; Lk. 5:27-32)

¹³U Jisu u la leit pat sharud duriaw bad u paidbah ba bun u la bud ia u.¹⁴Katba u dang iaid harud jong kata ka duriaw, u la iöhi ia u briew uba kyrteng u Lebi, u khun u Alphaos. U da shong ruh ha ka jaka lum khajna. U Jisu u la ong ia u, “Ale, bud ia nga.” Te u Lebi u la ieng joit bad u la bud ia U Jisu.

¹⁵Hadien kata U Jisu lem bad ki synran jong u ki la ia shong bam ha ka iing u Lebi. Te la don shibun ki nonglum khajna bad kiwei pat ki bym don ka nam babha ki da iabam lem bad ki. Ki la don shibun kiba kum kita kiba la ia bud ia U Jisu.¹⁶Haba ki nonghikai ka hukum kiba long ruh ki Pharisi ki la iöhi ba u iabam bad kiba kum kita ki briew, ki la kylli ia ki synran jong u, “Balei ba u iabam bad ki nonglum khajna bad kiba pop?”

¹⁷Haba U Jisu u la iöhsngew ia kane, u la ong ia ki “dei kiba pang kiba donkam ia u nongpynkhiah, ym kiba khiah. Ngam shym la wan ban khot ia kiba hok hynrei ia kiba pop.”

Shaphang Kaba Shah Jingit

(Mt. 9:14-17; Lk. 5:33-39)

¹⁸Te ki synran u Ioannis bad ki jong ki Pharisi ki ia shah jingit. La don kiba la wan sha U Jisu bad ong, “Ki synran u Ioannis bad ki jong ki Pharisi ki shah jingit. Hynrei balei ki synran jong me pat kim shah jingit?”

¹⁹U Jisu u la jawab, “Ha ka jingkyntiew kurim ki paralok jong u nongleit kurim hato kin leh sngewsih katba u dang don lem bad ki? Kin ym lah ban shah jingit katba u dang don lem bad ki.²⁰Hynrei ka por kan poi ynda la shim noh ia u na ki. Te kin sa shah jingit.

²¹“Haba uno uno u syrdep halor ka jingkad jong ka jaiin kaba rim, kim ju pyndonkam ia ka lyngkhot jaiin kaba thymmai. Lada ki leh kumta, kata ka jaiin thymmai kan ran bad tan ia kata ka jaiin rim. Te kata ka jingkad kan long kaba kham heh.²²Ruh putet, ym ju buh ia ka waiin thymmai ha ki lywa snieh kiba rim. Kata ka waiin kan pynpdang ia ki bad kan pynsepei lut ia ka waiin bad ia ka lywa snieh hi ruh. Borabor phi buh ia ka waiin thymmai ha ki lywa snieh kiba thymmai.”

U Jisu U Trai Ka Sabbaton

(Mt. 12:1-8; Lk. 6:1-5)

²³Ha kawei ka sngi sabbaton, U Jisu lem bad ki synran ki la iaid lyngba ia ki lyngkha kew. Ki synran jong u ki la kheit katto katne na ki soh kew ia ka ban bam.²⁴La don ki Pharisi kiba la ong ia U Jisu, “Balei ki synran jong me ki leh ia kane? Ka long pyrshah ia ka hukum ban kheit soh kew ha ka sngi sabbaton.”

²⁵U Jisu u la jawab, “Phim shym la pule kaei kaba u Dabid u la leh haba ma u bad ki briew jong u ki la thngan?”²⁶Ka la long ha ka por u Abiathar u rangbah lyngdoh. U Dabid u la leit sha ka iing U Blei bad u la bam ia u kpu kyntang. Bad ka hukum u Moses ka ong ba tang ki lyngdoh ki lah ban bam ia uta u kpu kyntang. U Dabid u la ai lem katto katne na uta u kpu sha kita kiba bad u.”

²⁷Te U Jisu u la ong sha ki Pharisi, “Ia ka Sabbaton la thaw ban long ka jingiarap ia u briew. Ym ba ka Sabbaton kan teh mraw ia ki.²⁸Te kumta U Khun u Briew u long U Trai jong ki sngi baroh, wat ia ka Sabbaton.”

U Jisu U Pynkhiah Ha Ka Sngi Sabbaton

(Mt. 12:9-14; Lk. 6:6-11)

3¹Ha kawei pat ka por U Jisu u la leit sha ka synagog. Hangta la don u briew

uba don ka kti kaba iap.²La don ki Jiw kiba ap peitngor bha ia U Jisu. Ki la iai ap thap khnang ban iohi la un pynkhiah ne em ha ka sngi Sabbaton. Ki kwah ban iohi ba U Jisu un pynkheifi ia ka hukum khnang ba kin ioh ban mudui pyrshah ia u.³U Jisu u la ong ia uta u briew uba don ia ka kti kaba iap, “Ieng joit ba baroh kin lah ban iohi ia me.”

⁴Te U Jisu u la kylli ia ki briew hangta, “Kaei kaba dei hok ban leh ha ka sngi Sabbaton: ban leh babha ne ban leh sniew? Ka long kaba dei ban pynim ia ka jingim ne ban pynjot?” U paidbah um shym la jubab ei ei ruh em ia u.

⁵U Jisu u la khmih ia ki. U la bitar bad sngewsih shikatdei eh namar ka jingeh dohnud jong ki. U la ong ia uta u briew, “To kner ia la ka kti.” Uta u briew u la kner ia la ka kti bad kumne kumne ka kti jong u ka la iohkhiah.⁶Te ki Pharisi ki la mih noh bad iasuh buit bad ki nongbud u Herod kumno ban ioh pyniap ia U Jisu.

Shibun Ki La Bud Ia U Jisu

⁷Te U Jisu u la leit noh bad ki synran jong u sha ka duriaw. U paidbah ba bun na Galilaia u la bud ia ki.⁸Kiba bun ruh ki la wan na Judia, na Jerusalem, na Idumaia, na sha shiliang ka wah Jordan bad sawdong ki phang ka Tyros bad Sidon. Kine ki briew ki la wan namar ki la iohsngew ia kata baroh ba la leh da U Jisu.

⁹U Jisu haba u la iohi ia u paidbah ba bun, u la ong ia ki synran jong u ban shim ia ka liengrit bad ban pynkhreh na ka bynta jong u. U la pyndonkam ia ka lieng khnang ba u paidbah un ym ioh ban kyntur sha u.¹⁰U la pynkhiah ia kiba bun na ki, kat haduh kiba pang baroh ki la kyntur ban ioh ktah ia u.¹¹Don na ki kiba shong ki mynsiem bymkhuid ha ki. Haba ki mynsiem bymkhuid ki la iohi ia U Jisu ki la dem hakhtat jong u bad pyrta jam, “Me long U Khun U Blei!”¹²Hynrei U Jisu u la maham tynggeh ia ki ba kin ym pynbna u long u ei.

U Jisu U Jied Ia Ki Khatar Ngut Ki Apostol

(Mt. 10:1-4; Lk. 6:12-16)

¹³Hadien kane U Jisu u la leit kiew sha u lum bad u la khot ia kito kiba u kwah ban leit lem bad u. Te kumta ki la ialeit lem bad u shata.¹⁴Bad u la thung ia ki khatar ngut ba kin ioh long lem bad u bad ba un ioh phah ruh ia ki sha kiwei pat ki jaka ban ialap ia ka khubor U Blei.¹⁵Bad ba kin ioh ruh ia ka iktiar ban beh noh ia ki ksuid na

ki briew.¹⁶Kine ki long ki kyrteng jong ki khatar ngut kiba U Jisu u la jied:

U Simon, uta ia uba U Jisu u la khot da ka kyrteng Petros.

¹⁷U Jakob bad u para jong u, u Ioaannis, ki khun u Sebedi, kita ia kiba U Jisu u sin Boanerjes, kaba mut “ki Khun u Pyrthat.”

¹⁸U Andriw,
U Philip,
U Bartholomai,
U Mathaios,
U Thomas,
U Jakob, u khun u Alphaios,
Thaddaios,
U Simon, uba shitrhem.

¹⁹U Judas Iskariot, uta uba la aiti noh ia U Jisu ha ka kti kita kiba shun ia U Jisu.

Ka Iktiar U Jisu Ka Long Na U Blei

(Mt. 12:22-32; Lk. 11:14-23; 12:10)

²⁰Hadien kane U Jisu u la wan phai pat sha la iing bad u paidbah ba bun u la ialum hangta kat haduh ba ma u lem bad ki synran jong u kim shym ioh shuh ka lad ban bam.²¹Ki bahaing hasem jong u ki la iohsngew shaphang kine kiei kiei. Ki la leit ban wallam noh ia u namar ki briew ki ong u la lamwir.

²²Bad ki nonghikai ka hukum na Jerusalem ki la ong, “U Soitan u shong hapoh jong u bad u pyndonkam da ka bor u rangbah ki ksuid ban beh noh ia ki ksuid na ki briew.”

²³Kumta U Jisu u la khot lang ia ki bad u la kren sha ki ha ki pharshi. U la ong, “Kumno u Soitan un beh noh ia la ki ksuid na ki briew?”²⁴Ka hima kaba ialeh pyrshah ialade kan ym lah ban neh.²⁵Bad ka longiing kaba iapait kan ym lah ban neh.²⁶Lada u Soitan u ialeh pyrshah ialade bad ia la ki jong ki ksuid, un ym lah shuh ban neh. Kata kan long kaba kut ia u Soitan.

²⁷“Uno uno uba kwah ban rung sha ka iing uba khlain bor bad ban lute ia kiei kiei ki jong u, u dei ban khum shuwa ia uta uba khlain bor. Te un sa lah ban lute na ka iing jong u.

²⁸“Da shisha nga ong ha phi, ba lah ban mab ia ki pop baroh ba ki briew ki leh. Lah ruh ban mab ia kita kiba kren beifi Blei.²⁹Hynrei uno uno uba kren beifi ia U Mynsiem Bakhuid yn ym mab ia u. Kin long kiba rem shirta na kata ka pop.”

³⁰U Jisu u la ong ia kane naba ki nong

hikai ka hukum ki la mudui ba u don ia u mynsiem bymkhuid ha u.

Ka Long Īng Ba Shisha U Jisu

(Mt. 12:46-50; Lk. 8:19-21)

³¹Hadien kane ka kmie bad ki para jong U Jisu ki la wan. Ki da ĩng shabar bad ki la phah ia u ban wan ĩakynduh ia ki. ³²Shibun ki brieve ki la shong sawdong ia U Jisu. Ki la ong ha u, “Ka kmie bad ki para jong me ki ap ia me shabar.”

³³U Jisu u la kylli, “Mano ka kmie jong nga? Mano ruh ki para jong nga?” ³⁴Te u la khmied sha ki brieve kiba shong sawdong ia u bad u la ong, “Kine ki long ki kmie bad ki para jong nga! ³⁵Kita keĩ kiba leh ia ka mon U Blei, ki dei ka kmie bad ki para jong nga.”

Ka Pharshi Shaphang U Nongbet

(Mt. 13:1-9; Lk. 8:4-8)

4 ¹Ha kawei pat ka por haba U Jisu u la sdang ban hikai harud jong ka duriaw bad u paidbah ba bun u la lum sawdong ia u. U la kiew halor ka lieng khnang ba un ioh ban shong bad ban hikai nangta. Baroh ki paidbah ki la don harud um. ²U Jisu u la hikai ia ki ha ki pharshi shibun kiei kiei. Kawei na ki jinghikai jong u ka long kane:

³“Ha sngap! Uwei u nongbet u la leit ban bet ia u symbai. ⁴Katba u dang bet ia u symbai, katto katne ki la hap ha lynti ĩaid. Ki sim ki la wan bad ki la puh noh ia u. ⁵Uwei pat u la hap ha ki jaka maw, ka bym da don shibun ka khyndew, kumta u la san sted bha. ⁶Hynrei haba ka sngi ka la mih bad kita ki jynthung ki tyrkhong namar ka jingkhluit. Ki ĩap noh ruh namar ki thied jong ki kim shym ngam jylliew. ⁷Katto katne na kita ki symbai ki la hap hadpeng ki khah kiba long shiah. Te ki dieng shiah haba ki la san ki la kĵap bad ki la khanglad ia kita ki jingthung babha ban san. Kumta kim shym lah ban pynmih soh. ⁸Hynrei katto katne ki la hap ha ka khyndew kaba sbob. Hangta ki la sdang ban san bad ki la sei soh. Don kiba seisoh laiphew shah, don kiba hynriewphew shah bad don ruh kiba shispah shah.”

⁹Nangta U Jisu u la ong, “Phi ki paidbah to sngew ia nga, to shahshkor ruh!”

Ka Daw Ba La Hikai Ha Ki Pharshi

(Mt. 13:10-17; Lk. 8:9-10)

¹⁰Kham hadien, haba u paidbah u la leit noh, ki khatar ngut ki apostol bad ki nongbud jong u ki la kylli na u ia ka jingmut jong kine ki pharshi.

¹¹U Jisu u la ong, Tang ma phi kiba lah ban tip ia ka jingshisha ba la buhrieh jong ka hima U Blei. Hynrei ha kiwei pat nga pnyntip da kaba iathuh ha ki pharshi. ¹²Nga leh ia kane khnang ba

‘Kin khmih bad ia khmih hynrei kin ym lah pat ban iohi;
kin ia shahshkor hynrei kin ym lah pat ban shemphang.
Lada kin jin da la iohi bad shemphang,
ki lah ban kylla bad ioh mab phar.”

Isaiah 6:9-10

U Jisu U Pynshai Shaphang Ka Pharshi U Nongbet

(Mt. 13:18-23; Lk. 8:11-15)

¹³Hadien kata U Jisu u la kylli ia la ki synran, “Phi ia sngewthuh ia kane ka pharshi? Lada em, kumno te phin sngewthuh ia kiwei pat? ¹⁴U nongbet u long kum uta uba bet ia ka jinghikai U Blei ha ki brieve. ¹⁵Teng teng ka jinghikai ka hap ha lynti ĩaid. Kata ka long kum kito ki brieve kiba iohsngew ia ka jinghikai U Blei. Shen hadien ba ki la iohsngew ia ka, u Soitan u wan ban shim noh ia ka jinghikai ba la bet ha ki.

¹⁶“Kiwei pat ki brieve ki long kum uto u symbai ba la btep ha ki jaka maw. Ki iohsngew ia ka jinghikai bad da ka jingsngew la kloĩ bad da kaba kmen ki pdiang ia ka. ¹⁷Hynrei kim ioh lad pat ban ngam jyliaw shapoh jong ki. Ki sumar ia ka tang shipor eh. Shen haba ki jingeh bad ki jingshah pynshitom beĩ ki wan namar kata ka jinghikai kaba ki la pdiang, ki iehnoh.

¹⁸“Kiwei pat ki long kum u symbai ba la thung hadpeng ki khah ba long shiah. Ki iohsngew ia ka jinghikai, ¹⁹hynrei kiba dap da ki jingkhuslai ka jingim, ka jingieid spah bad ki jingkwah ia shibun kiei kiei. Kine ki pynpep noh ia kata ka ktien ban san bad kam lah ban pynmih soh.

²⁰“Bad kiwei pat ki long kum u symbai ba la thung ha ka khyndew kaba bha. Ki iohsngew ia ka jinghikai bad pdiang ruh ia ka. Nangta ki sdang ban san bad seisoh laiphew shah, don kiba hynriewphew shah bad don ruh kiba shispah shah.”

Ka Jingmaham Kumno Phi ĩohsngew

(Lk. 8:16-18)

²¹Hadien kata U Jisu u la ong ruh sha ki, “hato phi ju thang ia ka sharak bad buhrieh ia ka hapoh u khiew lane ha khrum jingthiah? Em ym kumta. Hynrei phi buh ia ka halor u dieng pynieng sharak. ²²Kata

baroh ia kaba la buhrieh yn sa pynpaw shai bad baroh kiba rieh jong u briew ruh yn sa pynpaw shai kdar. ²³Phi kiba sngew ia nga, to shahshkor ruh! ²⁴Pyrkhat bha ia kaei kaba phi la iohsngew. Katno yn ai ha phi ka shong eh katno phi shemphang ia ka bad phin iohpdang ruh khambun shuh shuh. ²⁵Kita kiba don ka jingshemphang kin iohpdang khambun. Hynrei kito ki bym don kin duh wat ia kata kaba khyndiat kaba ki don.”

Ka Pharshi Shaphang U Symbai

²⁶Te U Jisu u la ong, “Ka hima U Blei ka long kum u briew uba bet ia u symbai ha ka khyndew. ²⁷Mynmiet bad mynsngi uta u symbai u iai san, Kam pher la u nongbet u thiah ne peit bad um tip ruh kumno kata ka jia. ²⁸Khlem kano kano ka jingiarap ka khyndew ka pynmih ia la u soh. Nyngkong eh u speh, nangta u kop bad hadien kata u symboh ba la ih bha. ²⁹Haba uta u symboh u la ih, u nongbet u ot ia u naba kata ka dei ka aiom ot.”

Ka Hima U Blei Ka Long Kum Kaei?

(Mt. 13:31–32, 34–35; Lk. 13:18–19)

³⁰Hadien kata U Jisu u la ong, “Da kaei ngan pynsyriem ia ka hima U Blei? Da kaei ruh ka pharshi ba ngan batai ia ka? ³¹Ka hima U Blei ka long kum u symbai tyrso, uba rit na kiwei pat ki symbai ha ka pyrthei ba ngi lah ban bet ha ka khyndew. ³²Hynrei haba la bet ia u, u san bad long u jingthung uba kham heh ban ia baroh kiwei pat ki jhur ha ka kper. U don ia ki tnad kiba heh bad ki sim ki lah ban wan ban rieh tngen hapoh ka syrngiew jong ki.” ³³U Jisu u la ju pyndonkam bun ki pharshi kum kine ban hikai ia ki briew kat kumba ki lah ban sngewthuh ia ki. ³⁴Um ju hikai ia ki khlem da pyndonkam ia ki pharshi, hynrei haba u don marwei tang bad la ki synran, u ju pynshai lut ha ki.

Ki Synran Ki Iohi Ia Ka Iktiar U Jisu

(Mt. 8:23–27; Lk. 8:22–25)

³⁵Ha kata ka sngi, ynda la janmiet, U Jisu u la ong ia la ki synran, “To ale bad nga sha shiliang ka duriaw.” ³⁶Te kumta ki la iehnoh shadien ia u paidbah bad ki la leit bad U Jisu ha ka lieng kaba u la shong. La don ruh kiwei pat ki lieng kiba la leit lem bad ki. ³⁷Ka lyer kaba jur ka la jia ha kata ka duriaw. Te ki jingatphyllung ki la phaloh kat ban pyndap ia ka lieng da ka um. ³⁸U Jisu u la don hapoh jong ka lieng, u da iohthiah ha ka syngkhlieh ha ka

tdong jong ka lieng. Ki synran te ki la leit bad kyrsiew ia u. Ki da ong, “Ko Nonghikai, mem pyrkhat shaphang jong ngi? Ngin sa iap jyllop!”

³⁹U Jisu u la ieng bad u la hukum ia ka lyer bad ka um. U da ong, “Wat kyrhuh! To long jai jai ruh!” Te ka lyer ka la sangeh bad ka duriaw ruh ka la long jai jai.

⁴⁰U la kylli ia ki synran, “Balei ba phi ia sheptieng katne katne? Hato phim pat iadon ka jingngeit?”

⁴¹Ki la ia sheptieng shikatdei eh bad ki la ia kylli paralok hi, “Une u briew u long uei shisha? Wat ka lyer bad ka um ki ia kohnguh ia u!”

Ka Jingpyllaitluid Ia Uba Shong Ksuid

(Mt. 8:28–34; Lk. 8:26–39)

5¹U Jisu lem bad ki synran jong u ki la leit sha shiliang kata ka duriaw sha ka shnong ki nong Gadara. ²Haba U Jisu u la hiar na ka lieng, uwei u briew na u lum jingtep u la wan iakynduh ia u. Une u briew u la don u mynsiem bymman ha u. ³U la ju im ha ki krem ba ju tep ia ki briew kiba la iap. Ym don ba lah ban teh ia u, wat da ki kynjri nar ruh. ⁴Bunsien la ju teh ia u da ki kynjri nar, hynrei u ju bthat ia ki. Ym don uba khlaini bor uba lah ban teh lakam ia u. ⁵Mynsngi bad mynmiet u da shong ha kine ki krem bad ha jrong ki lum. U ju lynniar bad pynmynsaw ialade da ki maw.

⁶Katba U Jisu u dang kham ha jngai, uta u briew u la iohi ia u. U la mareh sha U Jisu bad u la dem khrup hakhmat jong u. ^{7–8}Haba U Jisu u la hukum, “Me u mynsiem ba bymman, to mih noh na une u briew,” uta u briew u la lynniar da kaba jam eh, “Me donkam aiu bad nga, ko Jisu U Khun jong U Blei ba ha khlieh tam eh? Nga kyrpad ia me ha ka kyrteng U Blei wat pynshitom ia nga!”

⁹Te U Jisu u la kylli ia uta u briew, “Kaei ka kyrteng jong me?”

Uta u briew u la jubab, “Ka kyrteng jong nga ka long Legeon⁴, namar ba ngi don shibun.” ¹⁰Uta u mynsiem bymman hapoh uta u briew u la kyrpad eh ia U Jisu ba un ym beh noh ia ki na kata ka ri.

¹¹Hajan hangta la don shi kynhun ki sniang kiba dang iabam phlang halor uta u lum. ¹²Uta u mynsiem bymman u la kyrpad ia U Jisu da kaba ong, “Shah ia

^a 5:9 Legeon Kat kum ka jingmut tynrai ka mut u Paidbah, lane ka kynhun shipai kaba kynthup kumba 6000 ngut.

ngi ban leit, ban rung ha ki tei ki sniang.”
¹³Kumta U Jisu u la shah ia ki. Ki mynsiem bymman ki la mih noh na uta u brieve bad ki la leit ban rung ha kita ki sniang. Te kata ka kynhun ki sniang ka la phet kyrthep arsut uta u lum sha duriaw. Baroh ki la ngam jyllap. Ki la don te kumba arhajar tylli ki sniang.

¹⁴Kita ki nongap sniang ki la phet noh nangta. Ki da mareh sha shnong bad ki khapshnong bad ki la iathuh ha baroh ia kaei kaba la jia. U paidbah te u la leit mih noh ban iohi ia kata kaba la jia. ¹⁵Ki la wan sha U Jisu bad ki la iohi ia uta u brieve uba la don u mynsiem bymman ia uba la tip da kyrtege Legeon ba u da shongkhop ha ka jingtipbrieve kaba biang bad ba la phong jaiñ. Haba ki la iohi te ia kane, ki la sheptieng shikatdei eh. ¹⁶Kito kiba la iohi ia kaei kaba U Jisu u la leh ki la iathuh ha kiwei pat ia kaei kaba la jia bad uta u brieve uba la don ki mynsiem bymman ha u. Ki la iathuh ruh shaphang ki sniang. ¹⁷Hangta kita ki brieve ki la kyrpad ia U Jisu ban mih noh na ka ri jong ki.

¹⁸Te U Jisu u la kreh ban mih noh da ka lieng. Uta u brieve uba mynta u la iohlait na ki mynsiem bymman u la kyrpad ban ioh leit lem bad u. ¹⁹Hynrei U Jisu um shym la shah ia u ban leit. U la ong ia u, “To khie leit sha la iing bad sha la ki jong ruh. Iathuh ha ki baroh ia kaba U Trai u la leh na ka bynta jong me. Iathuh ruh katno ba U Trai u la isynei ia me.”

²⁰Kumta uta u brieve u la leit noh bad u la iathuh sha ki brieve ha Dekapolis shaphang kiei kiei kiba khraw kiba U Jisu u la leh na ka bynta jong u. Baroh te ki la ia sngewphylla eh.

**U Jisu U Pynim Pat Ia Ka Khun
U Jairo Bad Pynkhiah Ruh Ia Ka
Kynthei Kaba Pang Mih Snam**

(Mt. 9:18-26; Lk. 8:40-56)

²¹U Jisu u la leit da ka lieng sha kawei pat ka liang jong ka duriaw. Hangta, la don u paidbah ba bun uba la ker tawiar ia u harud duriaw. ²²Te uwei na ki nongialam ka synagog uba kyrtege u Jairo u la wan sha U Jisu bad haba u la iohi ia u, u la dem khosiem hakmat jong u. ²³U ia kyrpad ia U Jisu, u da ong, “Ka khun kynthei kaba rit jong nga ka pang la jan iap. Sngewbha wan bad to buh ia la ka kti ha ka. Te kan sa iohkhiah bad kan im.”

²⁴Kumta U Jisu u la leit bad u Jairo. U paidbah ba bun ruh u la bud ia U Jisu. Ki da ia kyntur ban ioh iaid hajan jong u.

²⁵Hapdeng uta u paidbah la don ka kynthei kaba la pang mih snam la khatar snem. ²⁶Ka la shah jynjar ruh shibun eh wat na kita ki nongpynkhiah kiba la pyrshang ban iarap ia ka bad baroh ka spah kaba ka don ka la pynlut, hynrei kam shym la iohkhiah, pynban kata ka jingpang ka la nang kham jur.

²⁷⁻²⁸Haba ka la iohsngew shaphang U Jisu ka la pyrkhathalade, “Lada ngan tang shu ioh ktah ia ki jaiñ jong u, ngan sa iohkhiah.” Kumta ka la bud ia U Jisu lem bad uta u paidbah bad ka la ktah ia ka jaiñkup jong u. ²⁹Hangta hi la pynkhiah ia ka bad ka jingmih snam ka la sangeh noh bad ka la sngewthuh shai ha ka met jong ka ba ka la khiah na kata ka jingpang. ³⁰Te ha kata hi ka por U Jisu u la sngewthuh ba ka bor ka la mih noh na u, kumta u la phai sawdong sha uta u paidbah bad kylli, “Mano ba la ktah ia ki jaiñ jong nga?”

³¹Ki synran jong u ki la ong ia u, “Don shibun ki brieve kiba ia kyntur ia me. Pynban me kylli, ‘Mano ba la ktah ia nga?’”

³²Hynrei U Jisu u ia peit ban iohi mano ba la ktah ia u. ³³Kata ka kynthei kaba la iohkhiah, ka la wan bad ka la dem ha ki kjat U Jisu. Ka da khynñiuh da ka jingsheptieng bad ka la iathuh ia kaba la jia baroh. ³⁴U la ong te ha ka, “Ko khun, la pynkhiah ia pha namar ka jinggeit jong pha. Khie leit ha kaba suk. Pha la iohkhiah janai na kane ka jingpang.”

³⁵Katba U Jisu u dang iakren hangta, la don ki brieve kiba la wan na ka iing u Jairo, uta u nongialam ka synagog. Ki la ong, “Ka khun jong me ka la iap. Balei shuh men dang pynshitom ia U Nonghikai.”

³⁶Hynrei U Jisu um shym la pynshahshkor ia kaei kaba ki brieve ki kren. U la ong ia uta u nongialam ka synagog, “Wat sheptieng; tang ban shu ngeit.”

³⁷U Jisu u la shah tang ia u Petros, u Jakob bad u Ioannis ban leit lem bad u. ³⁸Ki la rung sha ka iing jong uta u nongialam ka synagog bad U Jisu u la iohi ia ka jingkhwin kaba khraw jong ki nong iam brieve bad kiba iam lyniar. ³⁹Haba u la rung shapoh u la ong, “Balei phi ia iam lyniar katta katta? Kane ka khynnah kam shym la iap hynrei ka iohthiah.” ⁴⁰Baroh te ki la ia rkhie bein ia u, hynrei U Jisu u la pynmih noh ia ki baroh shabar. U la shim tang ia u kpa bad ia ka kmie lem bad kita kiba la don lem bad u ban rung shapoh ka kamra ha kaba la pynthiah ia kata ka khynnah. ⁴¹Te U Jisu u la bat ia ka kti jong kata

ka khynnah bad u la ong ia ka, “Talitha, kumi!” Kaba mut, “Ko Khynnah, Nga ong ha pha to ieng joit!”⁴²Kata ka khynnah te ka la ieng joit bad ka la iaaid, naba ka la long khatar snem ka rta. Te kita kiba la iohi ia kata ki la ia sngewphylla eh.⁴³U Jisu u la maham jur ia ki ba kin ym iathuh brieve shaphang kane. Te u la ong ruh ia ki ban ai ei ei ia ka khynnah ba kan bam.

U Jisu U Leit Sha La Shnong

(Mt. 13:53–58; Lk. 4:16–30)

6¹U Jisu te u la leit phai sha la shnong. Ki synran jong u ruh ki la iaileit lem bad u.²Ha ka sngi Sabbaton U Jisu u la hikai ha synagog bad shibun ki brieve ki la ia shahshkor ia u. Ki da sngewlyngngoh bad ki la ia ong, “Nangno une u ioh ia kane ka jinghikai? Kumno ruh u ioh ia kaba kat kane ka jingstad? Mano ba la ai ia u? Bad nangno u ioh ia ka bor ban leh ia ki kambah?”³Hato um dei tang u misteri u khun ka Mari, u hynmen u Jakob, u Josis, u Juda bad u Simon? Ym dei ba ki para kynthei jong u ki dang sah ha kane ka shnong?” Kumta ki la shem jingeh ban pdiang ia u.

⁴Te U Jisu u la ong ha ki, “Ki brieve kylleng ki ai burom ia u nongiathuhlypa, lait noh tang ha la ka jong ka shnong, ha la ki jong ki brieve bad ha la ka jong ka iing.”⁵U Jisu um shym la lah ban leh kano kano ka kambah hangta. U la shu pynkhiah ia ki katto katne kiba pang da kaba buh kti ha ki.⁶U la sngewlyngngoh ba ki brieve hangta kim don jingngeit satia. Te u la leit noh sha kiwei pat ki nongrit kiba ha kita ki phang bad u da hikai ruh hangta.

U Jisu U Phah Ia Ki Khatar Ngut Sha Ka Kam

(Mt. 10:1, 5–15; Lk. 9:1–6)

⁷U Jisu u la khot ia ki khatar ngut u da phah ruh ia ki ar ar ngut bad u la ai ha ki ka iktiar halor ki mynsiem bymman.⁸Kane ka dei kaei kaba u la hukum ia ki, “Wat rah ei ei ha ka jingleit jong phi lait noh tang ia u diengduh. Wat song kpu, lymne rah pla, lymne pisa.”⁹Phi lah ban phong tang ki juti, hynrei wat rah ar tylli ki sopti.¹⁰Haba phi rung ha kano kano ka iing, to shong hangta tad haduh ba phin da mih noh na kata ka shnong.¹¹Lada kano kano ka shnong ka kyntait ia phi lane kim shahshkor ruh ia phi, haba phi mih noh nangta to kynther ia ka khyndew na ki pohjat jong phi kum ka jingphla pyrshah ia ki.”

¹²Te ki khatar ngut ki la leit noh sha kiwei pat ki jaka bad ki da ialap ia ka jingkylla kaba mut.¹³Ki la beh ruh shibun ki ksuid na ki brieve bad ki la pynsleh da ka umphniang ia shibun kiba pang bad ki la pynkhiah ia ki.

U Herod U Pyrkhat Ba U Jisu U Dei U Ioannis U Nongpynbaptis

(Mt. 14:1–12; Lk. 9:7–9)

¹⁴Te u syiem Herod^a u la iohsngew shaphang U Jisu namar ka nam jong u. Don kiba la ong, “U dei u Ioannis u Nongpynbaptis. U la mihpat na kiba iap, dei na kata ka daw ba u sa lah ban leh ia kine ki kambah.”

¹⁵Kiwei te ki la ong, “U dei u Elijah^b”

Kiwei pat ki la ong, “U dei u nongiathuhlypa lane kum uwei na ki nongiathuhlypa.”

¹⁶U Herod haba u la iohsngew ia kata, u la ong, “Nga la pyniap ia u Ioannis da kaba khrai khlieh. Mynta u la mihpat na ka jingiap.”

Kumno Ia U Ioannis U Nongpynbaptis La Pyniap

¹⁷Naba u Herod dalade u la ai hukum ia ki shipai ban kem bad set byndi ruh ia u. U la leh ia kane khnang ban pynsngewbha ia ka tnga jong u, ka Herodias, kaba la long ka tnga u Philip u para jong u, ia kaba u la shim kurim pat ma u.¹⁸U Ioannis u la ong ia u Herod, “Kam bit ia me ban shim kurim ia ka tnga u para jong me.”¹⁹Kumta ka Herodias ka la shun eh ia u Ioannis. Ka la kwah ruh ban pyniap noh ia u, hynrei kam lah ban leh kumta.²⁰U Herod u ju sheptieng ia u Ioannis, namar ba u tip ba u long u brieve uba hok bad bakhuid. Te kumta u la ju iada ia u. U ju sngewtynnad ruh ban shahshkor ia u Ioannis, la hateng hateng kaei kaba u Ioannis u ong ka pynpyrkhat ia u.

²¹Te ka por kaba biang ka la jia na ka bynta ka Herodias ban pyniap ia u Ioannis. Kata ka la jia ha ka por ka jingdap snem sngi kha u Herod. U Herod te u la pynlong ka jingkhawai na ka bynta ki myntri ba

^a 6:14 Herod U Herod Antipas, u khun jong u Herod Bakhraw, u tertrark (nongsynshar) jong ka Galilaia bad Perea.

^b 6:15 Elijah U nongialam ki Israel uba hakmat eh bad ruh u nongiathuhlypa uba kren na ka bynta U Blei lyngba ki arphew san snem kiba kut jong u snem 850 S.K. Ha ka por U Jisu, ki Jiw ki ia khmih lynti ba u Elijah u wan biang ha shuwa u Messiah.

kongsan ha ka hima jong u, ki nongialam shipai bad ia ki bried kiba pawkhmat ha Galilaia. ²²Ka khun jong ka Herodias ka la wan sha ka jingkhawai bad ka la shad. Haba ka la shad, u Herod bad ki bried kiba iabam lem bad u ki la sngewbha shikatdei eh.

Kumta u syiem Herod u la ong ia kata ka khynnah samla, “Ngan ai ha pha kano kano kaba pha kwah.” ²³U la kular ia ka, “Kaei kaei kaba phan pan ngan ai ha pha wat haduh shiteng na ka hima jong nga ruh.”

²⁴Kata ka khynnah ka la mareh sha la ka kmie bad ka la kylli, “Ngan pan aiu na u Syiem Herod?”

Ka kmie ka la jubab, “Pan ia ka khlieh u Ioannis u Nongpynbaptis.”

²⁵Kumta hi kata ka khynnah ka la leit phai biang sha u syiem. Ka la ong ha u, “Sngewbha ai ia nga ia ka khlieh u Ioannis u Nongpynbaptis. Wallam ia ka mynta ha ka pliang.”

²⁶U syiem Herod u la sngewsih eh, hynrei um kwah pat ban pynkheif ia la ka kular kaba u la smai sha ka hakmat kita ia kiba u la khot sngewbha. ²⁷Kumta u la phah ia u shipai ban khrai ia ka khlieh u Ioannis bad ban wallam ia ka sha u. Uta u shipai u la leit bad u la khrai ia ka khlieh u Ioannis hapoh iingbyndi. ²⁸U la wallam ia ka khlieh ha ka pliang bad u la ai ha kata ka khynnah bad kata ka khynnah ka la ai ha la ka kmie. ²⁹Ki synran u Ioannis haba ki la iohsngew ia kaei kaba la jia, ki la wan bad ki la shim noh ia ka met u Ioannis bad ki la tep ia ka ha ka jingtep.

U Jisu U Bsa Ia Palat San Hajar Ngut

(Mt. 14:13–21; Lk. 9:10–17; Yo. 6:1–14)

³⁰Ki apostol ia kiba U Jisu u la phah ki la wan phai sha u. Ki la ialum sawdong ia u bad iathuh ruh ia kata baroh kaba ki la leh bad hikai. ³¹Ki la don ruh ha ka jaka ba bun bried bha kat haduh ba kim ioh shuh ka por wat ban bam. U Jisu u la ong ha ki, “Ale bad nga, ngin ialeit sha ka jaka ba kham kynjah ba ngin ioh shong jahthait khyndiat.”

³²Kumta U Jisu bad ki synran ki la kiew ha ka lieng bad leit noh sha ka jaka ba kham kynjah. ³³Hynrei kiba bun ki bried ki la iohi ia ki ba ki mih bad ki la ithuh ruh ia ki. Kumta u paidbah na ki shnong baroh u la mareh sha ka jaka kaba ki la ialeit bad ki la poi hangta ha shuwa ia U Jisu. ³⁴Katba U Jisu u dang mih noh na ka lieng, u la iohi ia u paidbah ba bun ba ki da ia ap ia u. U la

sngew syei ia ki, namar ba ki la long kum ki langbrot khlem u nongsharai. Kumta u la hikai ia ki shibun kiei kiei.

³⁵Te haba ka sngi ka la sdang ban sep, ki synran U Jisu ki la wan sha u bad ki la ong, “Ym don bried ba shong ba sah hangne bad ka sngi ruh ka la noh. ³⁶Kumta to phah noh ia ki ba kin ioh leit sha ki jaka rep bad ki shnong ba marjan ban thied jingbam na ka bynta ialade.”

³⁷Hynrei U Jisu u la ong, “To ai jingbam ma phi ia ki.”

Ki la ong ia U Jisu, “Ngin ym lah ban thied jingbam kaba biang kat ban bsa ia ki baroh. Ngin donkam baroh ban trei shi bnai ban ioh thied kat kata ka jingbam!”

³⁸U Jisu u la kylli ia ki, “Katno tylli ki kpu ba phi iadon mynta? Khie leit ban wad.”

Ki la niew ia kita ki kpu bad ki la wan iathuh sha U Jisu, “Ngi don san tylli ki kpu bad ar tylli ki dohkha.”

³⁹Te U Jisu u la ong ha ki, “Ong ia ki ba kin shong ha u phlang shi kynhun kynhun.” ⁴⁰Kumta baroh ki la shong ha ki kynhun. La don te kumba sanpnew ne shispah ngut ki bried ha kawei kawei ka kynhun.

⁴¹U Jisu te u la shim ia kita ki san tylli ki kpu bad ar tylli ki dohkha. U la khmied sha bneng bad ainguh ia U Blei namar ka jingbam. Te u la kdiah ia u kpu, ha kaba u la ai sha ki synran ban sam sha ki paidbah. Nangta u la sam ia ki dohkha hapdeng kita kiba don hangta.

⁴²Baroh ki la bam haduh ban da kdang. ⁴³Hadien ba ki la dep bam, ki synran ki la pyndap khatar shang da kita ki lyngkhot kpu bad dohkha kiba tam. ⁴⁴Ki la don kumba san hajar ngut tang ki rangbah kiba la iabam.

U Jisu U Iaid Halor Um

(Mt. 14:22–33; Yo. 6:16–21)

⁴⁵Te U Jisu u la pynbor ia ki synran ban kiew noh ha ka lieng. U la bthah ia ki ba kin nang leit sha shiliang duriaw sha Bethsaida. U la ong ruh ia ki ba un sa wan kham hadien ynda u la lah pyllait noh ia ki paidbah baroh ba kin leit phai sha la iing. ⁴⁶Hadien ba u la phah ia ki, u la leit ban kiew sha u lum ban duwai.

⁴⁷Ha kata ka janmiet, ka lieng ka la don hapdeng ka duriaw bad U Jisu u la don marwei la ryngkew. ⁴⁸U la iohi ia ka lieng sha jngai ha ka duriaw bad ia ki synran ba ki ialeh shitom ban king ia ka lieng namar ka lyer ka la beh pyrshah ia ki. Ha shuwa ba kan shai ka sngi, U Jisu u la leit

sha ka lieng, u da ñaid halor ka sla um. U la bteng ban ñai leit la kum u ban ñaid lait ña ka lieng. ⁴⁹Hynrei ki synran haba ki la iohi ña U Jisu ba u da ñaid ha sla um, ki la lynñiar namar ki la pyrkhata ba ka dei ka rngai. ⁵⁰Ka la pynsheptieng ña ki baroh ban iohi ña u. Hynrei u la kren sha ki u da ong, "Wat khuslai! Dei ma nga! To wat ña sheptieng." ⁵¹Ynda u la kiew ha ka lieng ha kaba ki ñadon ki synran, kata ka lyer ka la sangeh noh. Te ki la sngewphylla shikatdei eh. ⁵²Kim sngew lah ban ngeit ña kaei kaba la jia. Ka la long kum ka kambah kaba u la leh bad uta u kpu. Pynban kim shym la sngewthuh ka mut aiu.

U Jisu U Pynkhiah ña Kiba Bun Kiba Pang

(Mt. 14:34-36)

⁵³Te U Jisu lem bad ki synran ki la leit sha shiliang ka duriaw bad ki la poi ha ki rud um jong ka Gennesaret. Ki la teh ña ka lieng hangta. ⁵⁴Haba ki la mih noh na ka lieng, ki brierw ki la iohi ña u bad ki la ithuh ba u dei U Jisu, ⁵⁵kumta ki la mareh pynstet ban ñathuh ña kiwei ha kata ka shnong baroh kawei. Ki la wallam ña kiba pang ha ki jingthiah sha ki jaka baroh kiba U Jisu u leit. ⁵⁶U Jisu u la leit sha ki shnong bad ki nongbah bad sha ki bri sawdong kata ka jaka. Kat shaba u leit, ki brierw ki wanrah ña kiba pang ha ki jaka ñew bad ki da kyrpad ña u ba un shah ña ki ban ktah ña ki jaiñkup jong u. Bad baroh kat kiba la ktah ña u, la pynkhiah ña ki.

Ka Hukum U Blei Bad Ki Rukom Pateng La Pateng

(Mt. 15:1-20)

7 ¹La don ki Pharisi bad ki nonghikai ka hukum kiba la wan na Jerusalem bad ki la ñalum lang ha U Jisu. ²Ki la iohi ba katto katne na ki synran jong u ki bam jingbam da ki kti bym khuid, kaba mut ba ki khlem sait ña la ki kti ha ka rukom ba kyrpang. ³Ki Pharisi bad baroh ki Jiww kim ju bam khlem da sait kyrpang ña la ki kti. Ki leh ña kane ban bud ña ki jinghikai pateng kaba ki la ioh na ki kpa tymmen naduh mynshuwa. ⁴Bad haba kine ki Jiww ki wan phai na ñew, kim ju bam lymda ki sum shuwa. Ki bud ruh ña ki kyndon kum kaba sait kyrpang ña ki pela, ki khra, ki khiew bad ki jaka shong ne jingthiah bad kiwei pat ki tiar thymmai. ⁵Ki Pharisi bad ki nonghikai jong ka hukum ki la ong ña U Jisu, "Ki synran jong me kim ju bud ña ki rukom pateng kiba ngi

la iohpdiang na ki kpa tymmen jong ngi mynshuwa. Ki bam ña ki jingbam khlem da sait kti. Balei ki leh kumne?"

⁶U Jisu u la jubab, "Phi kiba arsap. Ka dei kaba u Isaiah u la ong haba u kren ña kine ki kyntien shaphang jong phi:

'Kine ki brierw ki burom ña nga tang da ki rmiang shyntur,
hynrei ha ka dohnud jong ki pat kam long kumta.

⁷ Ka jingmane jong ki ña nga ka long kaba thala.

Baroh kaba ki hikai ka long tang ki aiñ brierw suda.' *Isaiah 29:13*

⁸Phi la sangeh na kaba bud ña ki hukum U Blei, phi kham jied pynban ña ki rukom pateng la pateng jong ki brierw."

⁹Nangta u la ong, "Phi long kiba tbit bha ban kiar na ki hukum U Blei khngaw ba phin ioh ban bud ña ki rukom pateng la pateng jong phi hii! ¹⁰U Moses u la ong, 'Phi dei ban ñiew burom ña la u kpa bad ña la ka kmie.' U la ong ruh, 'Uno uno uba kren ñiew ña u kpa bad ña la ka kmie ka dei ña u ban ñap.' ¹¹Hynrei phi hikai ba u brierw u lah ban ong ña la u kpa ne ka kmie, 'Nga don ka bynta kaba dei sha phi, pynban ngan ym ai shuh ña ka sha phi, ngan ai noh sha U Blei.' ¹²Phi khanglad noh ña ki ban shakri ña la u kpa ne ka kmie. ¹³Da kumne phi kyntait noh ña ka hukum U Blei da ki rukom pateng la pateng jong phi bad phi leh shibun kiba kum kita."

¹⁴U Jisu u la khot pat ña ki brierw halade. U la ong, "Baroh ki dei ban shahshkor ña nga bad ban sngewthuh ña kaei kaba ngan ong. ¹⁵Ym don ei ei kaba ki brierw ki bam ka ban pyntngit ña ki. La pynlong tngit ña ki da kaei kaba mih noh na shapoh jong ki. ¹⁶Phi kiba iohsngew ña nga, to shahshkor!"

¹⁷Hadien kata U Jisu u la iehnoh ña kita brierw bad u la rung noh shapoh ka ñing. Ki synran jong u ki la kylli ña U Jisu shaphang kata kaba u la kren sha ki paidbah. ¹⁸U la ong, "Phi ruh phi ñashem jingeh ban sngewthuh? Da shisha phi ña tip ba ym don kaei kaei kaba rung shapoh na ka shyntur u brierw ka ban pyntngit noh ña ki. ¹⁹Ka jingbam kam rung satia sha ka jingmut jingpyrkhat u brierw. Ka leit sha ka kpoth. Nangta ka mih noh ruh shabar na ka met." Haba U Jisu u ong ña kane, u mut ban ong ba kam don kano kano ka jingbam ka bym bit satia ban bam.

²⁰Bad U Jisu u la ong, "Kita kiei kiei kiba pyntngit ña ki brierw ki dei kita kiba mih

noh na shapoh u briew. ²¹Baroh kine kiei kiei kiba sniew ki sdang na shapoh ka jingmut u briew: ki jingpyrkhat kiba sniew, ki pop awria, kaba tuh, kaba pyniap, ²²kaba klim, ka jingkwah rrah, kaba leh sniew ia kiwei, kaba shukor, ka jingkwahbrai, ka jingbishni, ka jingniewbein ia kiwei, kaba kren sarong bad kaba leh bieit. ²³Kine kiei kiei kiba sniew baroh ki wan mih noh na shapoh bad ki pyntngit ia u briew.”

Ka Jingngeit Ka Nong Syrophinisa

(Mt. 15:21–28)

²⁴Te U Jisu u la leit noh nangta sha ki phang ka Tyros bad Sidon. Um shym la kwah ba ki briew kin tip ba u don hangta, kumta u la leit rung sha kawei iing. Hynrei um shym la lah ban rieh slem hangta. ²⁵Kawei ka briew kaba don ia ka khun rit ia kaba la pynshitom da u mynsiem bymman. Ka la iohsngew ba U Jisu u don hangta. Kumta ka la wan sha U bad ka la dem ha ki kjat jong u. ²⁶Kane kam shym dei ka Jiw, hynrei ka nong Syrophinisa. Te ka la kyrpad ia U Jisu ban beh noh ia uta u ksuid na ka khun jong ka.

²⁷U Jisu u la iathuh ia kata ka briew, “Kam long kaba dei ban shim noh ia u kpu jong ki khun bad ban ai sha ki ksew. Nyngkong ai ba ki khun kin bam haduh ba kin da kdang.”

²⁸Ka la jubab, “Kata ka long kaba shisha, Kynrad. Hynrei wat ki ksew hapoh khrum ka miej ki iabam ia ki jingbam kiba la lwet kiba hap na ki khun.”

²⁹Te u la ong ha ka, “Kata ka jingong ka long kaba dei. Pha lah ban leit noh. Uta u ksuid u la mih noh na ka khun jong pha.”

³⁰Kata ka briew ka la leit sha la iing bad ka la shem ba ka khun jong ka, ka iohthiah ha jingthiah. Naba uta u ksuid u la lah mih noh na ka.

U Jisu U Pynkhiah Ia Uba Kyllut Bad Uba Thlun

³¹Hadien kane U Jisu u la mih noh na ki phang ka Tyros bad Sidon. Ha lynti sha ka duriaw Galilaia u la leit lyngba ki phang ka Dekapolis. ³²Katba u dang don hangta, la don ki briew kiba la wallam ia u briew uba kyllut bad ba thlun. Kita ki briew ki la kyrpad ia U Jisu ba un buh ia la ka kti ha uta u briew ban pynkhiah ia u.

³³U Jisu u ialam noh ia uta u briew kham jngai na ki paidbah khnang ba un ioh ban don tang bad u hi. U la buh ia la ka shynriah'ti ha ki shkro uta u briew. Nangta u la bynthiew ha ka shynriah'ti bad u la

buh ruh ha u thylliej jong u. ³⁴U Jisu u la khmied sha bneng bad u la pynhiar mynsiem jur u da ong, “Ephphatha!” Kaba mut “To long ba la plie!” ³⁵Hangta hangta hi uta u briew u la lah ban iohsngew bad u la sdang ban kren shai kdar.

³⁶U Jisu u la ong ia kita ki briew ba kin ym iathuh hano hano shaphang kane. Hynrei katta katba u dang maham ia ki ban ym iathuh ne ong ei ei, katta ki la nang kham pynbna shuh shuh. ³⁷La pyndap ia ki baroh da ka jingsngewphylla. Ki la ia ong, “Khmih ia kaei kaba u la leh. Baroh ka la long kaba bha suda. U pynlong ia kiba kyllut ban iohsngew bad ha ki bym lah kren ban kren.”

U Jisu U Bsa Ia Palat Saw Hajar Ngut

(Mt. 15:32–39)

8¹Ha kawei pat ka por la don shibun eh ki briew bad U Jisu. Kim shym la don jingbam ei ei shuh ban bam. Kumta u la khot ia la ki synran bad u la ong ia ki, ²“Nga sngew synei na ka bynta kine ki briew. Ki la don bad nga lah lai sngi bad mynta kim don ei ei shuh ban bam. ³Ngam kwah ban phah ia ki sha la iing khlem bam. Lada ki mih kiba thngan, kin sa iap tyrsaw ha lynti, naba don napdeng jong ki kiba la wan na ki jaka kiba kham jngai.”

⁴Ki synran U Jisu ki la jubab, “Ngi don hangne jngai na shnong briew. Nangno ngin ia ioh jingbam kaba biang kat ban bsa ia kine ki briew baroh?”

⁵Te U Jisu u la kylli ia ki, “Katno tylli ki kpu ba phi iadon?”

Ki la jubab, “Ngi don hynniew tylli ki kpu.”

⁶U Jisu u la bthah ia u paidbah ba kin shong ha madan. Hadien ba u la shim ia kita ki hynniew tylli ki kpu bad u la ainguh ia U Blei, u la kdiah ia kita ki kpu lyngkhot lyngkhot bad u la ai ia ki ha ki synran jong u. U la ong ia ki ban ai sha uta u paidbah bad ki la leh kumba u la ong. ⁷Kita ki synran ki la don ruh khyndiat ki dohkha rit. Te U Jisu u la ainguh namar ki dohkha ruh bad u la bthah ia ki ban ai sha uta u paidbah.

⁸Baroh te ki la iabam haduh ban da kdang. Hadien kata ki synran ki la pyndap pat ia ki hynniew ki shang da kita kiba lyngkhot ba sah tam. ⁹Ki la don te kumba saw hajar ngut tang ki rangbah. Hadien ba ki la dep bam, U Jisu u la bthah ia ki ban leit phai noh pat sha la iing. ¹⁰Te u la leit noh da ka lieng lem bad la ki synran sha ki phang ka Dalmanutha.

Don Kiba Artatien İa Ka İktiar U Jisu*(Mt. 16:1-4; Lk. 11:16, 29)*

¹¹Ki Pharisi ki la wan sha U Jisu bad ki la kylli jingkylli İa u. Ki da kwah ban tynjuh İa u. Kumta ki la pan na u ban leh ka kambah kum ka dak na bneng. ¹²Te U Jisu u la pynhıar mynsiem jylliew bad u la ong, "Balei phi İa pan ban İohi İa ka kambah kum ka dak? Da shisha nga ong ha phi ba ngan ym leh kano kano ka kambah kum ka dak İa phi." ¹³Te kumta U Jisu u la iehnoh noh İa ki bad u la leit da ka lieng sha shiliang jong kata ka duriaw

Ki Synran U Jisu Ki Sngewthuh Bakla İa U Jisu*(Mt. 16:5-12)*

¹⁴Te ki synran ki la don tang uwei u kpu lem bad ki ha ka lieng namar ki la klet ban wallam kpu khambun. ¹⁵U Jisu u la maham İa ki, u da ong, "Da phikir! Da sumar na u thiat jong ki Pharisi bad jong u Herod."

¹⁶Te ki synran ki la İasaid nia İa ka jingmut jong kane ka jinghren. Ki la İa ong, "U la kren İa kane namar ba ngim İadon kpu."

¹⁷U Jisu u la tip ba ki İakren shaphang kane. Kumta u la kylli İa ki, "Balei ba phi İakren shaphang ka jingbun don kpu? Hato phim shym lah ban İohi lane sngewthuh? Hato phim lah ban shemphang?" ¹⁸Hato phi İadon ki khmat kiba matlah? Ki shkor kiba kyllut? Phi kynmaw kaei kaba nga la leh mynshuwa, mynba haba phim shym la don kpu? ¹⁹Nga la kdiah İa ki san tylli ki kpu na ka bynta ki san hajar ngut. Phi kynmaw ruh katno shang ba phi la pyndap da kita ki ba lyngkhot na kita ki jingbam İa kiba ym shym la bam?"

Te ki la jubab, "Ngi la pyndap khatar shang"

²⁰"Bad haba nga la kdiah İa kito ki hynñiew tylli ki kpu na ka bynta ki saw hajar ngut, katno shang ba phi la pyndap da kita kiba sah tam?"

Ki la jubab, "Ngi la pyndap hynñiew shang."

²¹Nangta u la ong pat İa ki, "Phi kynmaw İa kine kiei kiei kiba nga la leh, kumno pat phim lah ban shemphang?"

U Jisu U Pynkhiah İa U Briew Uba Matlah Ha Bethsaida

²²Te U Jisu bad la ki synran ki la wan sha Bethsaida. La don te kiba la wallam ha u İa uba matlah bad ki la kyrpad İa u ban ktah İa u. ²³Kumta U Jisu u la bat İa ka kti

jong uta uba matlah bad u la İalam noh İa u shabar kata ka nongrit. U la biah ha ki khmat jong uta u briew bad u la buh ruh İa ki kti ha u bad u la kylli, "Me lah ban İohi mynta?"

²⁴Haba u la plied İa la ki khmat u la ong, "Hooıd, nga İohi İa ki briew kum ki dieng kiba İaid kylleng kylleng."

²⁵U Jisu u la buh pat İa la ki kti ha ki khmat jong u bad la pynkhiah janai İa u, te u la lah ban İohi shai kdar İa kiei kiei baroh. ²⁶U Jisu u la bthah İa u ban leit noh sha la İing. U la ong ruh, "Wat rung shapoh kata ka shnong."

U Petros U Phla Ba U Jisu U Dei U Khrist*(Mt. 16:13-20; Lk. 9:18-21)*

²⁷U Jisu bad la ki synran ki la leit pat sha ki shnong kiba don ha kita ki phang jong ka Kaisaria Philipi. Katba ki dang leit, U Jisu u la kylli İa ki, "Ki briew ki ong ba nga dei uei?"

²⁸Ki la jubab, "Don kiba ong me dei u İoannis u Nongpynbaptis. Kiwei ki ong me dei u Elijah. Bad kiwei pat ki ong me dei uwei na ki nongiathuhlypa."

²⁹Hadien kata U Jisu u la kylli, "Ma phi pat phi ong ba nga dei uei?" U Petros u la jubab, "Me long U Khrist."

³⁰U Jisu u la hukum skhem İa ki, "Wat İathuh İa kane hano hano ruh."

U Jisu U İathuhlypa Ba U Dei Ban İap*(Mt. 16:21-28; Lk. 9:22-27)*

³¹Te U Jisu u la sdang ban batai İa la ki synran ba U Khun u Briew un sa shah shibun kiei kiei bad ba yn sa kyntait İa u da ki nongialam jong ki Jiwi, ki lyngdoh ba kham hakhmat bad ki nonghikai jong ka hukum. U la İathuh ruh ba ka dei İa U Khun u Briew ban İap bad ban mihpat hadien lai sngi. ³²U Jisu u la İathuh shai ha ki baroh İa ka ban sa jia bad um shym la buhrieh ei ei.

U Petros te u la shim kyrpang İa U Jisu na ki synran bad u la kren kynthoh İa u namar ba u la ong İa kine kiei kiei. ³³Hynrei U Jisu u la phai bad khmih ha la ki synran. Hadien kata u la sneng İa u Petros, u da ong, "Phet me na nga, me u Soitan! Mem pyrkhath kumba U Blei u pyrkhath hynrei tang İa kita kiei kiei kiba ki briew ki pyrkhath."

³⁴Hadien kata U Jisu u la khot İa u paidbah bad İa la ki synran halade. U la ong ruh, "Uno uno uba mon ban bud nadien jong nga, u dei ban len İalade bad jied da ka

mon sngewbha ban bah ia la ka diengphna bad bud nadien jong nga. ³⁵Uno uno na phi uba pyrshang ban ri ia la ka jingim un duh noh ia ka. Hynrei lada uno uno u ban kheiñduh ia la ka jingim na ka bynta jong nga bad na ka bynta ka Khubor Babha, un shem ia ka jingim kaba shisha. ³⁶Ka long ka bym myntoi ei ei ruh em ia u brieve ban ioh ia ka pyrthei baroh kawei bad ba un jot noh. ³⁷Da ei un siew ka dor kaba biang ban iapein ia la ka jingim? ³⁸Ki brieve ha kane ka pateng ki la long kiba pop bad bymman eh. Wat sngewlehrañ ban phla ia nga lymne ia ki jinghikai jong nga hapdeng jong ki. Lada phi lehrañ, nga ruh ngan lehrañ ia phi haba ngan wan ha ka burom U Kpa jong nga lem bad ki angel bakhuid.”

9¹Te U Jisu u la ong, “Da shisha nga ong ha phi, ba don napdeng jong phi kiba ieng hangne ki ban ym iashem ia ka jingiap tad ynda kin iohi ia ka hima U Blei ba ka wan da ka bor.”

Ka Jingpynkylla Dur Ia U Jisu

(Mt. 17:1–13; Lk. 9:28–36)

²Hynriew sngi hadien, U Jisu u la ialam kyrpang ia u Petros, u Jakob bad ia u Ioannis shalor u lum uba jrong. Katba ki dang iadon hangta, la pynkylla dur ia U Jisu hakmat jong ki. ³Ki jaiñkup jong u ki la thaba lieh kham lieh ban ia kaba u nongsait u lah ban pynlieh ia ki. ⁴Te ar ngut ki brieve ki la mihpaw hangta ki la iakren bad U Jisu. Ki dei u Moses bad u Elijah.

⁵U Petros te u la ong ha U Jisu, “Ko Nonghikai, ka la kham bha ia ngi ba ngin sah noh hangne. Shah ngin pynieng lai tylli ki iing jaiñ hangne kawei na ka bynta jong me, kawei ia u Moses bad kawei ia u Elijah.” ⁶U Petros um shym la tip ia kaei ba u ong, naba la pyndap ia u lem bad ia kita kiwei pat ki synran da ka jingsheptieng.

⁷Te u lyoh u la wan bad u la tap ia ki. Ka sur ruh ka la wan na uta u lyoh ka da ong, “Une u long U Khun jong nga uba nga ieid. To kohnguh ia u!”

⁸Te haba ki la sngewkyndit eh ki la khmih bad kim shym la iohi shuh iano iano hynrei tang ia U Jisu hi.

⁹Katba U Jisu lem bad ki, ki dang ia hiar arsut na uta u lum, u la hukum ia ki, “Wat iathuh hano hano ruh ia kaei kaba phi la iohi halor uta u lum tad haduh ba U Khun u Brieve un da mihpat na kiba iap.”

¹⁰Kumta kita ki synran ki la bat skhem ia ka hukum jong u. Hynrei ki la iakren para ma ki hi aiu U Jisu u mut haba u kren shaphang kaba mihpat na kiba iap. ¹¹Ki

la kylli te na u, “Balei te ba ki nonghikai ka hukum ki ong ba u Elijah un wan nyingkong?”

¹²U Jisu u la jubab, “Ka long kaba shisha haba ki ong ba u Elijah un wan shuwa bad pynbha ia kiei kiei baroh kumba ki dei ban long. Hynrei balei pat ba ka Jingthoh bakhuid ka ong ba U Khun u Brieve un shah jynjar shibun kat haduh ba ki brieve kin ñiewbein ia u? ¹³Nga ong ha phi ba u Elijah u lah dep wan. Bad ki brieve ki la leh ia kita baroh kaba ki ia kwah ban leh pyrshah ia u. Ka Jingthoh bakhuid ruh ka la kren ba kane kan sa jia ia u.”

U Jisu U Pynkhiah Ia U Khynnah Ba Shong Ksuid

(Mt. 17:14–20; Lk. 9:37–43a)

¹⁴Hadien kane U Jisu, u Petros, u Jakob, lem bad u Ioannis ki la leit sha kita kiwei pat ki synran. Ki la iohi ia u paidbah ba bun ba ki ialum sawdong jong ki bad ia ki nonghikai ka hukum ba ki iatai nia bad ki. ¹⁵Haba uta u paidbah u la iohi ia U Jisu, ki la ia sngewkyndit bad ki la mareh ban pdiang sngewbha ia u.

¹⁶Te U Jisu u la kylli, “Phi iasaid nia aiu bad ki?”

¹⁷Uwei u brieve u la jubab, “Nonghikai, nga la wallam ia u khun sha me ba la pynshitom ia u da u mynsiem bymman uba set ia u ban kren. ¹⁸Une u mynsiem u ju ialeh bad u bad u ju bret jyndeñ ia u ha madan. U da kyriat bniat bad sei tyrtho bad u da kyrbeit ruh. Nga la ong ia ki synran jong me ban beh noh ia uta u mynsiem bymman, hynrei kim shym la lah satia.”

¹⁹Te U Jisu u la jubab, “Haduh kane ka sngi phim pat shym la ngeit! Slem katno ba ngan iaisah bad phi? Slem katno ruh ba ngan iaisah bad phi? Wallam ia u sha nga!”

²⁰Kumta kita ki synran ki la wallam ia uta u khynnah sha U Jisu. Haba uta u mynsiem bymman u la iohi ia U Jisu, u la ialeh bad uta u khynnah. Te uta u khynnah u la kyllon u da tyllun ruh ha madan bad sei tyrtho.

²¹U Jisu u la kylli ia u kpa uta u khynnah, “Naduh mynno ba ka la jia kumne ia u?”

U kpa te u la jubab, “Naduh ba u dang khynnah. ²²U mynsiem u ju bret ia u ha ka ding lane ha ka um ia ka ban pyniap ia u. Lada me lah ban leh ei ei, sngewbha to isnye bad iarap ia ngi.”

²³U Jisu u la ong ia uta u kpa, “Balei ba me ong ‘lada me lah? Baroh ki long kiba lah ia uta uba ngeit.”

²⁴Kumne kumne uta u kpa u la kyrpad jam da ka jingiam u da ong, “Nga ngeit ah Trai. Iarap ia nga ba ngan ngeit shuh shuh!”

²⁵Haba U Jisu u la iohi ba baroh ki la ia mareh ban iohi kaei kaba la jia. U la hukum ia u mynsiem bymman u da ong, “Me u mynsiem bymman uba pynlong ia une u khynnah uba kyllut bad bym nang kren, mih noh na u bad wat rung shuh ruh ha u!”

²⁶Uta u mynsiem bymman u la lynñiar jam, u da ring kyrthat bad mih noh ruh na u. Te uta u khynnah u la long kum uba iap bad bun ruh ki la ia ong, “U la iap!”

²⁷Hynrei haba U Jisu u la shim na ka kti jong u, u la pynieng ia u.

²⁸Te hadien kane U Jisu u la leit ban rung shapoh ka iing. Ki synran jong u ki la don lem tang bad u hangta. Ki la ia ong, “Balei ngim shym la lah ban beh noh ia uta u mynsiem bymman?”

²⁹U Jisu u la jubab, “Ia u to u jait mynsiem lah ban beh tang da ka jingduwai bad kaba shah jingit.”

U Jisu U Kren Shaphang Ka Jingiap Jong U

(Mt. 17:22–23; Lk. 9:43b–45)

³⁰Hadien te U Jisu bad ki synran ki la mih noh nangta bad ki la leit lyngba ka Galilaila. U Jisu um shym la kwah ba ki paidbah kin tip shano ba ki don. ³¹U la kwah ban hikaitang ia ki synran jong u. U la ong te ha ki, “Ia U Khun u Briew yn sa aiti noh ha ka kti jong kiwei ki ban sa pyniap ia u. Hadien lai sngi, un sa mihpat na ka jingiap.” ³²Hynrei ki synran jong u kim shym la sngewthuh u mut aiu bad ki la sheptieng ruh ban kylli ia u.

Uei Uba Khraw Tam?

(Mt. 18:1–5; Lk. 9:46–48)

³³U Jisu bad la ki synran ki la leit pat sha Kapernam. Katba ki dang don ha iing U Jisu u la kylli ia ki, “Nga iohsngew ba phi iasaaid nia ha ka lynti, phi iania aiu?” ³⁴Hynrei ki synran kim shym la jubab, namar ka jingiatiai nia ha ka lynti ka long shaphang uno na ki u ban long uba kham khraw.

³⁵Haba U Jisu u la shong u la khot ia ki khatar ngut ki apostol halade. U la ong, “Uno uno uba kwah ban long uba kongsan u dei ban niaw shuwa ia kiwei ba ki long kiba kham kongsan ban ialade. Ki dei ban shakri shuwa ia baroh.”

³⁶Te U Jisu u la shim ia u khynnah rit bad u la pynieng ia u hakhmat jong ki baroh.

U la kynthup ia uta u khynnah bad ong, ³⁷“Uno uno u ban pdiang ia ki khynnah kum kine ha ka kyrteng jong nga u pdiang ia nga. Bad uno uno uba pdiang ia nga u pdiang ruh ia uta uba la phah ia nga.”

Uta U Bym Pyrshah Ia Ngi U Long Bad Ngi

(Lk. 9:49–50)

³⁸Te u Iöannis u la ong, “Ko Nonghikai, ngi la iohi ia u briew ba u beh ksuid ha ka kyrteng jong me. Kumta ngi la khang ia u namar um shym long na ka kynhun jong ngi.”

³⁹U Jisu u la ong, “Wat khang shuh ia u. Uno uno uba leh ia ki kambah ha ka kyrteng jong nga un ym kren pyrshah shaphang jong nga. ⁴⁰Uta u bym ialeh ia ngi u don lem bad ngi. ⁴¹Da shisha nga ong ha phi ba uno uno uba ai um ia phi ban dih namar ba phi long jong U Khrist da shisha un ym duh ia la ka ngong.

U Jisu U Maham Ia Ki Daw Ka Pop

(Mt. 18:6–9; Lk. 17:1–2)

⁴²“Lada uno uno u pynleh pop iwei na kine kiba rit kiba ngeit ha nga, kan jin da la khambha ia uta ban teh da u maw tylliat ha ka ryndang bad ban pynngam jylopp ha duriaaw. ⁴³Lada ka kti jong me ka pynleh pop ia me, ot noh ia ka. Kan khambha ia me ban duh noh kawei ka bynta jong ka dkhot met jong me bad ban ioh ka jingim bymjukut ban ia kaba baroh ar tylli ki kti bad ban leit pat sha dujok, sha ka ding bym ju lip sha kaba ⁴⁴u ksaiñ uba bam ia ki briew um ju iap bad ka ding ruh kam ju lip. ⁴⁵Lada ka kjat jong me ka pynleh pop ia me, ot noh ia ka. Kan khambha ia me ban duh noh kawei ka bynta jong ka dkhot met jong me bad ban ioh ka jingim bymjukut ban ia kaba baroh ar tylli ki kjat bad ban shah bret pat sha dujok, ⁴⁶sha kaba u ksaiñ uba bam ia ki briew um ju iap hangta ha dujok. Ka ding ruh kam ju lip. ⁴⁷Lada ka khmat jong me ka pynleh pop ia me, khlaw noh ia ka. Kan kham bha ia me ban don tang kawei ka khmat bad ban ioh rung shapoh ka hima U Blei ban ia kaba baroh ar tylli ki khmat bad ban shah bret pat sha dujok, ⁴⁸sha kaba u ksaiñ uba bam ia ki briew um ju iap hangta ha dujok. Ka ding ruh kam ju lip.

⁴⁹“Ia uwei-pa-uwei baroh yn kyllan mluh da ka ding kumba kyllan mluh ia ka jingknia baroh.

⁵⁰“Ka mluh ka shong kaba bha. Hynrei kumno te lada ka duh noh ia ka jingmad, phim lah te ban pynbang pat ia ka. Kumta

wat duh noh ia kata ka jinglong babha kaba phi don kum ka mluh. Bad to im ha ka jingsuk bad kiwei pat.”

Ka Jinghikai U Jisu Shaphang Ka Jingiapyllait Tnga

(Mt. 19:1-12)

10¹Hadien kata U Jisu u la mih noh nangta ban leit sha ki phang jong ka Judia bad sha shiliang ka wah Jordan. Te u paidbah ba bun u la wan ha u bad U Jisu u la hikai ia ki kumba u ju leh.

²Katto katne na ki Pharisi ki la wan sha U Jisu bad ki la pyrshang ban kem daw ia u ha ka ktien. Ki la kylli ia u, “Ka long kaba dei ne em ia u briew ban iapyllait tnga?”

³U Jisu u la jubab da kaba kylli, “Kaei kaba u Moses u hukum ba phi dei ban leh?”

⁴Ki Pharisi ki la ong, “U Moses u shah ia u briew ban pyllait ia la ka tnga da kaba thoh ia ka kot phet tnga.”

⁵Te U Jisu u la ong, “U Moses u la thoh ia kata ka hukum na ka bynta jong phi namar ba phi la kyntait ban pdiang ia ka jinghikai jong U Blei. ⁶Mynba U Blei u thaw ia ka pyrthei, ‘u la thaw ia ki shynrang bad kynthei.’ ⁷‘Dei na kata ka daw u briew un iehnoh noh ia la u kpa bad ia la ka kmie bad ban pyniasoh ialade bad la ka tnga. ⁸Bad ki ar ngut kin ia long kawei.’ Kumta kim long shuh ar, hynrei kawei. ⁹U Blei u la pyniasoh lang ia ki, kumta wat ai uno uno u pyniakhlad ia ki.”

¹⁰Ym slem hadien ynda haba ki synran ki la don ha iing tang bad U Jisu, ki la kylli pat ia u shaphang ka jingiapyllait tnga. ¹¹U la ong, “Uno uno uba iehnoh noh ia la ka tnga bad u da shongkurim noh da kawei pat ka kynthei u leh pop pyrshah ia la ka tnga. Un long uba rem na ka pop klim. ¹²Bad ka kynthei kaba iehnoh noh ia la u tnga bad ka da shongkurim noh bad uwei pat u briew ka ruh kan long kaba rem na ka pop klim.”

U Jisu U Pdiang Sngewbha Ia Ki Khynnah

(Mt. 19:13-15; Lk. 18:15-17)

¹³Te ki briew ki la wanrah ia la ki khunrit ha U Jisu khnang ba un ioh ban buh kti halor jong ki ban kyrkhu ia ki. Hynrei ki synran jong u ki la ong ia ki ban sangeh na kaba wallam ia la ki khun sha u. ¹⁴U Jisu u la iohi ia kaei kaba la jia. Um shym la sngewbha ia la ki synran jong u kiba la khang ia ki khynnah ban wan sha u. Kumta u la ong ia ki, “Shah ia ki khynnah rit ban wan sha nga. Wat khang ia ki, naba ka hima U Blei ka long ia kaba kum kine.

¹⁵Da shisha nga ong ha phi, phi dei ban pdiang ia ka hima U Blei kumba kine ki khynnah rit ki pdiang ei ei, lym kumta phin ym ioh rung sha ka.” ¹⁶Hadien kata U Jisu u la shim ia kita ki khynnah, u la buh ia la ki kti halor jong ki bad kyrkhu ia ki.

U Riewspah U Kyntait Ban Bud Ia U Jisu

(Mt. 19:16-30; Lk. 18:18-30)

¹⁷Haba U Jisu u la khreh mih, uwei u briew te u la mareh sha u bad u la dem khohsiew hakhmat jong u. Uta u briew u la ong, “Ko Nonghikai Babha, kaei nga dei ban leh ban ioh ia ka jingim bymjukut?”

¹⁸U Jisu u la jubab, “Balei ba me khot ia nga babha? Tang U Blei u long uba bha. ¹⁹Bad me tip ia ki hukum jong u: ‘Mem dei ban pyniap briew, mem dei ban klim, mem dei ban tuh, mem dei ban shukor, me dei ban burom ia la u kpa bad ia la ka kmie.’”

²⁰Uta u briew u la ong, “Ko Nonghikai, nga la kohnguh ia ki baroh naduh ba nga dang khynnah.”

²¹U Jisu u la khmih da ka jingsngewieid ia uta u briew. U la ong ruh, “Dang don sa kawei kaba me donkam ban leh. Khie leit bad die noh ruh ia kata kaba me don. Ai noh ia ka spah sha kiba duk bad men ioh ki spah ha bneng. Nangta wan ban bud ia nga.”

²²Uta u briew u la sngewdiaw haba U Jisu u la ong ia u ban leh kumta, namar ba u la long uba riewspah. Kumta u la leit noh uba sngewsih.

²³Hangta U Jisu u la khmih ia la ki synran bad u la ong ia ki, “Kan long kaba eh haduh katta katta na ka bynta uba riewspah ban ioh leit rung sha ka hima U Blei!”

²⁴Te ki synran ki la ia sngewlynggoh ia kaei kaba U Jisu u la ong. Hynrei u la ong pat, “Ko khun jong nga, ka long da shisha kaba eh ban ioh leit rung sha ka hima U Blei! ²⁵Ka kham suk ia ka ut ban rung lyngba i thliew thyrnia ban ia u riewspah ban ioh leit rung sha ka hima U Blei!”

²⁶Te ki synran ki la nang kham lynggoh shuh shuh bad ki la iakren para ma ki, “Haba kumta mano ban iohlait im?”

²⁷U Jisu u la peit ha ki bad ong, “Ha ki briew kata ka bym lah, hynrei ym ha U Blei. Naba kiei kiei baroh ki long kiba lah ha U Blei.”

²⁸U Petros u la ong ia U Jisu, “Ngi la ieh lut ia kiei kiei baroh ban bud ia me!”

²⁹U Jisu u la jubab, “Da shisha nga ong ha phi ba uwei-pa-uwei baroh uba la iehnoh ia la ka iing, ki hynmen ki para shynrang bad kynthei, ka kmie, u kpa, ki khun, lane

ka lyngkha na ka bynta jong nga bad na ka bynta ka Khubor Babha shaphang jong nga³⁰ un ioh pat shispah shah palat na kaba ki la iehnoh shadien. Ha kane ka pyrthei kin ioh shibun ki iing, ki hynmen ki para shynrang bad kynthei, ki kmie, ki khun bad ki lyngkha. Ha ryngkat bad kine kin ioh ruh ia ki jingpynshitom bein bad ha ka pyrthei ka ban sa wan kin ioh ia ka jingim bymjukut.³¹ Kiba bun kita kiba long nyngkong mynta kin sa long khatduh bad shibun kiba long khatduh mynta kin ioh long nyngkong ha ka por ban sa wan."

U Jisu U Kren Pat Ia La Ka Jingiap

(Mt. 20:17-19; Lk. 18:31-34)

³²U Jisu lem bad ki synran jong u ki la iaadon ha ka lynti sha Jerusalem. U la iaaid ha shuwa jong ki. Ki synran jong u ki la ia sngewkyndit bad katba ki dang bud ia u ki la ia sngew sheptieng namar ba u la iaathuh ha la ki synran ia kaei ka ban sa jia ia u.³³U la ong ruh, "Ngin iaieit kiew sha Jerusalem. Ia U Khun u Briew yn sa aiti noh ha ki lyngdoh ba kham hakhamat bad ki nonghikai ka hukum. Kin sa pynrem ba u dei ban iap bad kin sa aiti noh ruh ia u ha ka kti ki Jentil,³⁴ ki ban sa rkhe bein bad bynthiew ruh ia u. Kin shoh ia u da ki shabuk bad kin pyniap noh ruh ia u hynrei ha ka sngi kaba lai hadien ka jingiap, un sa mihpat."

Ka Jingpan U Jakob Bad U Ioannis

(Mt. 20:20-28)

³⁵Nangta u Jakob bad u Ioannis, ki khun u Sebedi, ki la wan sha U Jisu bad ki la ong, "Ko Nonghikai, ngi kyrpad ia me ba men leh ei ei na ka bynta jong ngi."

³⁶U Jisu u la kylli, "Phi kwah ba ngan leh aiu na ka bynta jong phi?"

³⁷Ki la jubab, "Shah ia ngi ban ia iohbynta lem ban shong uwei sha ka liang kamon bad uwei pat sha ka liang kadiang jong me haba men sa shong ha ka burom bakhraw kum u syiem."

³⁸U Jisu te u la ong, "Phim shym sngewthuh ia kaei kaba phi ia pan. Phi lah ban dih na kata ka khuri kaba ngan dih? Phi lah ban shah pynbaptis da kata kajuh ka jingpynbaptis^a kaba ngan shah?"

³⁹Ki la jubab, "Hooi, ngi lah!"

U Jisu te u la ong ia ki, "Ka long kaba shisha ba phin dih na kata ka khuri kaba ngan sa dih bad ba yn pynbaptis ia phi ruh da kajuh ka jingpynbaptis kaba yn sa pyndep ia nga.⁴⁰ Hynrei kam shong ha nga ban rai mano ban shong sha kamone sha kadiang jong nga. U Blei u la pynkhreh ia kito ki jaka na ka bynta kita ia kiba un jied."

⁴¹Haba kita kiwei pat ki shiphew ngut ki la iohsngew ia kane, ki la sngewbitar ia u Jakob bad ia u Ioannis.⁴²Te U Jisu u la khot ia la ki synran. U la ong, "Ki Jentil ki don ia ki nongsynshar kiba sngewtynnad ban leh traikhlieh halor la ki briew bad kita ki nongialam kiba leh donbor halor jong ki.⁴³ Hynrei kata kam dei ban long bad phi. Uno uno uba kwah ban long nongialam u dei ban long u shakri jong phi.⁴⁴ Uno uno uba kwah ban long hakhamat u dei ban shakri shuwa ia baroh na phi kum u mraw.⁴⁵ Bud ia ka nuksa jong nga: Wat U Khun u Briew um shym wan ba ki briew kin shakri ia u. U la wan ban shakri ia kiwei bad ban ai ia la ka jingim ban pynim ia kiba bun."

U Jisu U Pynpeit Ia Uba Matlah

(Mt. 20:29-34; Lk. 18:35-43)

⁴⁶Hadien kane ki la wan sha ka nongbah Jerikho. Haba U Jisu bad la ki synran ki la leit shata, u paidbah ba bun u la don bad ki. U briew uba matlah uba kyrteng u Bartimaïos "u khun u Timaios" u da shong harud surok ban khrong.⁴⁷ U la iohsngew te ba U Jisu uba na Nasaret u iaaid nangta. Kumta u la sdang ban pyrta jam, "Ko Jisu, U Khun u David, to isynei ia nga!"

⁴⁸Bun na kita ki briew ki la mai ia uta u matlah ban sngap jar. Hynrei u la nang kham pyrta jam, "Khun u David, to isynei ia nga!"

⁴⁹Te U Jisu u la ieng bad u la ong, "Phah ia u ban wan hangne."

Kumta ki la khot ia uta uba matlah bad ong, "To sngewkmen mynta. To ieng joit! U Jisu u khot ia me."⁵⁰ Uta uba matlah kloilan u la ieng joit. U da teh ia la ka jaiŋkup hangta bad u la leit sha U Jisu.

⁵¹U Jisu u la kylli ia u, "Me kwah ba ngan leh aiu ia me?"

U la jubab, "Ko Nonghikai, nga kwah ban iohi pat."

⁵²U Jisu u la ong, "Khie leit noh, la pynkhiah ia me kumba me la ngeit." Kumne kumne uta u briew u la lah ban iohi pat. U la bud ruh ia U Jisu arsut ka lynti.

^a 10:38 **Jingpynbaptis** Ka kyntien Grik ha ka jingshisha ka thew ia ka jingleh kaba pynngam lane "btep" pura ia u briew hapoh um, ka jingleh kaba da don ka jingiasnoh bad ka rai ban kylla kaba mut bad ban phai khmat ruh sha U Blei, da kaba shaniah ha u ban mab ia ki pop jong ki baroh.

U Jisu U Rung Sha Jerusalem Kum U Syiem

(Mt. 21:1–11; Lk. 19:28–40; Jo. 12:12–19)

11 Te U Jisu bad ki synran jong u ki la poi hajan ka Jerusalem, ha ki shnong jong ka Bethphage bad Bethania haduh u lum ki Olib. Nangta U Jisu u la phah ar ngut na ki synran jong u, ²U da ong, “Khie leit sha kata ka shnong kaba hakhamat jong phi. Haba phi rung hangta, phin shem ia u khun kadda u bym pat shym la don ba shong mano mano halor jong u. To law ia u bad wallam ruh ia u sha nga. ³Lada don mano mano ba kylli ia phi balei ba phi ia shim ia u, ong ia ki, ‘U Kynrad u donkam, un sa wallam pat shen shen ia u.’”

⁴Kita ki synran ki la leit sha kata ka shnong. Ki la shem ia uta u khun kadda ba la teh hajan ka jingkhang jong kata ka iing harud ka lynti shnong bad ki la pyllait ia u. ⁵La don ki brierw kiba ieng hangta bad ki la iohi ia kane. Ki la kylli, “Kaei kane kaba phi la leh? Naba balei ba phi ia pyllait ia u khun kadda?” ⁶Te kita ki synran ki la jubab kumba U Jisu u la bthah ia ki bad kita ki brierw ki la shah ia ki ban ialam noh ia uta u khun kadda.

⁷Kita ki synran ki la wallam ia uta u khun kadda sha U Jisu. Ki la tap jaiñ halor jong u bad U Jisu u la shong halor u khun kadda. ⁸Kiba bun ki brierw ki la siang ia la ki jaiñkup jong ki ha ka lynti na ka bynta U Jisu. Kiwei pat ki la kdiah ia ki tnad dieng na ki lyngkha bad ki la phriang ia ki ha ka lynti. ⁹Katto katne na ki, ki la iaïd ha shuwa U Jisu. Kiwei pat ki la iaïd nadien jong u, ki da pyrta jam,

“Hosanna!”

“To U Blei un kyrkhu ia uta uba wan
ha ka kyrteeng U Trail!” *Salm 118:25–26*

¹⁰ “U Blei un kyrkhu ia ka hima u kpa jong
ngi u
Dabid. Kata ka hima ka la wan!
Iaroh ia U Blei uba ha bneng!”

¹¹Te U Jisu u la rung sha Jerusalem bad ruh shapoh ka Templ. U la khmih ia kiei kiei ha kata ka Templ, hynrei ba ka la janmiet, kumta u la leit noh sha Bethania lem bad ki khatar ngut.

U Jisu U Tim Ia U Dieng Dumbur U Bym Seisoh

(Mt. 21:18–19)

¹²Ha ka sngi kaba bud, U Jisu u la mih noh na Bethania. Te u la sngewthngan. ¹³U la iohi ia u dieng soh dumbur uba bun sla. Kumta U Jisu u la leit sha uta u dieng ban iohi la u don soh

ei ei ne em ha u. Hynrei um shym la shem soh ei ei lait noh tang ki sla, namar kam pat shym dei ka aiom ban sei soh. ¹⁴Kumta U Jisu u la ong ia uta u dieng, “Ki brierw kin ym bam soh shuh na me.” Ki synran jong u ki la iohsngew ia kane.

U Jisu U Leit Pat Sha Ka Templ

(Mt. 21:12–17; Lk. 19:45–48; Jo. 2:13–22)

¹⁵Haba U Jisu u la poi ha Jerusalem u la leit rung shapoh ka Templ. U la sdang ban beh noh ia ki brierw kiba ia thied bad iaïde hangta. U la pynkyllon ia ki miej jong kito kiba iapeiñ sbai bad ki shuki jong kito kiba iaïde ia ki paro. ¹⁶Um shah ruh iano iano ban rah ei ei lyngba ka Templ. ¹⁷Hadien kata U Jisu u la sdang ban hikai ia ki brierw bad u la ong, “La thoh ha ka jingthoh Bakhuid, ‘Ia ka Templ jong nga yn khot ka iing jingduwai na ka bynta ki bynriew baroh.’ Hynrei phi, phi la pynlong ia ka, ‘ka krem ki nongtuh.’”

¹⁸Haba ki lyngdoh ba kham hakham bad ki nonghikai ka hukum ki la iohsngew ia kaei kaba U Jisu u la ong, ki la pyrshang ban wad lad kumno ban pyniap noh ia u. Ki la sngew sheptieng ia u namar ba baroh ki brierw ki la sngewphylla ha ka jinghikai jong u. ¹⁹Ha kata hi ka miet U Jisu lem bad ki synran ki la mih noh na ka nongbah.

U Jisu U Pyni Ia Ka Bor Jong Ka Jingngeit

(Mt. 21:20–22)

²⁰Ha ka step kaba bud U Jisu u la iaïd lem bad la ki synran. Ki la iohi ia uta u dieng dumbur ba u la iap tyrkhong haduh ki thied. ²¹U Petros u la kynmaw ia uta u dieng bad u la ong ha U Jisu, “Ko Nonghikai, mynhynnin, me la tim ia uta u dieng, hakhmih mynta u la iap tyrkhong!”

²²U Jisu u la jubab, “To ngeit phi ha U Blei. ²³Da shisha nga ong ha phi, phi lah ban ong ia une u lumbah, ‘To long ba la rat bad noh sha duriaw.’ Bad lada phim don jingartatien ei ei ha ka jingmut jong phi bad ba phi ngeit ba kaei kaba phi ong kan long, te kumta kan long ia phi. ²⁴Kumta nga ong ha phi, lada phin pan ia kano kano ha ka jingduwai bad lada phi ngeit ba phi la iohpdang ia kita kiei kiei, te phin sa ioh. ²⁵Haba phi duwai bad ba phi da kynmaw ba phi ia batnud badno badno shaphang kaei kaei, mab shuwa ia ki, ba kumta U Kpa jong phi uba ha bneng un mab ruh ia ki pop jong phi. ²⁶Hynrei lada phim mab ia ki, U Kpa jong phi uba ha bneng ruh un ym mab ia ki pop jong phi.”

Kaba Buh Jingkylli İa Ka İktiar U Jisu*(Mt. 21:23–27; Lk. 20:1–8)*

²⁷Te U Jisu bad ki synran jong u ki la leit pat sha Jerusalem. U da İaid ha ki phyllaw ka Templ. Ki lyngдох ba kham hakhamat, ki nonghikai ka hukum bad ki basan ki la wan sha u. Ki da la kylli, ²⁸“To İathuh İa ngi! Da ka İktiar aiu ba me la leh İa kine kiei kiei? Mano ba la ai ha me İa kata?”

²⁹U Jisu u la jubab, “Nga ruh ngan kylli İa phi İa kane ka jingkylli. To İathuh İa nga, te nga ruh ngan sa İathuh da ka İktiar aiu ba nga leh İa kine kiei kiei. ³⁰İathuh İa nga: Haba u İoannis u pynbaptis İa ki briew, hato ka İktiar jong u ka wan na U Blei ne na ki briew?”

³¹Kine ki nongİalam Jiw ki la İakren para ma ki shaphang ka jingkylli U Jisu, “Lada ngi jubab, ka jingpynbaptis u İoannis ka wan na U Blei,” te un sa ong İa ngi “Te balei ba phim shym la ngeit İa u İoannis?”

³²Hynrei lada ngi ong ba ka long na ki briew,” ngi sheptieng İa u paidbah namar ba baroh ki ngeit ba u İoannis u dei shisha u nongİathuhlypa.

³³Kumta ki la jubab İa U Jisu, “Ngim tip.”

U Jisu u la ong, “Te nga ruh ngan ym İathuh İa phi da ka İktiar aiu nga la leh İa kine kiei kiei.”

U Blei U Phah İa U Khun*(Mt. 21:33–46; Lk. 20:9–19)*

12¹U Jisu u la pyndonkam İa ki pharshi ban hikai İa ki briew. U la ong, “Uwei u briew u la thung İa ka brisoh waiİ. U la tei İa ka kynroh sawdong ka lyngkha bad u la tih ruh İa ka thliew na ka bynta ban tylliati umsoh waiİ. Hadien kata u la tei İa ka İing ap phira. U la ai wai ruh İa ka sha ki katto katne ki nong rep bad u la mih ban leit jingleit noh.

²“Haba la dei ka aİom kheit soh waiİ. Uta u briew u la phah İa u shakri sha ki nongrep İa ka ban İoh İa la ka bhah na u soh waiİ. ³Hynrei kita ki nongrep ki la kem İa uta u shakri bad ki la shoh İa u. ⁴Hadien kata uta u briew u la phah sa uwei pat u shakri sha ki nongrep. İa une ruh ki khlem burom pynban ki la tied pynmysaw İa u na ka khlieh. ⁵Kumta uta u briew u la phah sa uwei u shakri. İa uta ruh kita ki nongrep ki la pynİap noh. Kita ki nongrep ki la shoh İa ki katto katne bad İa kiwei pat ki la pynİap.

⁶“Uta u briew u la don sa tang uwei İa uba u lah ban phah sha kine ki nongrep. Uta u dei u khun jong u İa uba u İeid eh bad u la kut jingmut ban phah İa u. U da

pyrkhat, ‘Ki nongrep kin burom İa u khun jong nga.’

⁷“Hynrei kita ki nongrep ki la kren para ma ki, ‘Une u dei u khun jong u trai brisoh u ban sa İoh pateng İa kane ka brisoh. Lada ngin pynİap noh İa u, kan sa long ka jong ngi.’ ⁸Kumta ki la shim İa uta u khun, ki la bret İa u shabar ka brisoh bad ki la pynİap ruh İa u.

⁹“Haba kumta uta u trai ka brisoh waiİ un leh kumno? Un leit bad pynİap noh İa kito ki nongrep. Hadien kata un aiwai pat İa ka sha kiwei. ¹⁰Da shisha phi la pule İa kane ha ka jingthoh Bakhuid:

“U maw İa uba ki nongtei ki la kyntait u la kylla long u mawdong.

¹¹U Trai u la leh İa kane, bad ka long kaba iphylla İa ngi.”

Salm 118:22–23

¹²Haba ki nongİalam Jiw ki la İohsngew İa kane, ki la tip ba u la kren siat shaphang jong ki. Kumta ki la wad daw da kumno ban İoh kem İa U Jisu, hynrei ki la sngew sheptieng pat İa uta u paidbah. Kumta ki la İehnoh İa u bad leit phai noh.

Ki Nongİalam Jiw Ki Pyrshang Ban Riam İa U Jisu*(Mt. 22:15–22; Lk. 20:20–26)*

¹³Hadien kane, ki nongİalam Jiw ki la phah sha U Jisu İa ki katto katne na ki Pharisi bad na ki nongbud u Herod. Ki da kwah ban kem daw İa u ha ki jingken jong u. ¹⁴Ki la leit sha U Jisu bad ki la ong, “Ko Nonghikai, ngi tip ba me long u briew uba hok. Mem sheptieng İa kaei kaba kiwei ki pyrkhat shaphang jong me. Mem İiew shiliang khmat İano İano ruh bad me hikai İa ka jingshisha shaphang ka lynti U Blei. İathuh İa ngi, la ka dei ne em ban siew khajna sha u Kaisar? Hato ngin siew ne ngin ym siew?”

¹⁵Hynrei U Jisu u la tip ba kine ki briew ki pyrshang ban riam İa u. U la ong, “Balei ba phi İa pyrshang ban pynngat İa nga ba ngan kren bym dei? Wallam hangne İa u sbai rupa. To ngan khmih İa ka.” ¹⁶Ki la ai ha U Jisu İa uta u sbai bad u la kylli İa ki, “Ka dur jongno kane bad ka kyrteng jongno ba la thoh hangne?” Ki la jubab, “Ka dei ka dur bad ka kyrteng jong u Kaisar.”

¹⁷Kumta U Jisu u la ong ha ki, “Ai sha u Kaisar İa kaei kaba dei ka jong u Kaisar bad ai sha U Blei kaei kaba dei jong U Blei.” Kita ki briew te ki la dum buit ha kaei kaba U Jisu u la ong.

Ki Saddusi Ki Pyrshang Ban Riam İa U Jisu

(Mt. 22:23–33; Lk. 20:27–40)

¹⁸Hadien kata katto katne na ki Saddusi ki la wan sha U Jisu. Ki Saddusi ki ngeit ba ym don ka jingmihpat İa kiba İap. Ki la kylli İa u: ¹⁹“Ko Nonghikai, u Moses u thoh ba lada u briew u İap noh bad um shym la don khun, u para jong u, u dei ban shongkurim İa kata ka briew. Te kumta kin İoh İa ki khun na ka bynta uta uba la İap. ²⁰La don te hynİiew ngut shipara. Uba nyingkong u la shongkurim bad u la İap. Um shym la don khun. ²¹Kumta uba ar u la shongkurim İa kata ka briew, hynrei ma u ruh u İap noh khlem pat don khun. Kane kajuh ka la jia bad uba lai. ²²Baroh hynİiew ngut shipara ki la shongkurim İa ka bad ki la İap noh. Uwei ruh na ki um shym la İoh khun na ka bad ma ka ruh khatduh eh ka la İap. ²³Namar ba baroh hynİiew ngut ki la shongkurim İa ka, te ha ka por ba ki briew kin mihpat na ka jingİap, ka tnga jongno kan long?”

²⁴U Jisu u la jubab, “Kumno ba phi İa bakla katta katta? Kane ka dei namar ba phim İa tip aiu ka Jingthoh Bakhuid ka kren bad phim tip ei ei ruh em shaphang ka bor U Blei. ²⁵Haba ki briew kin mihpat na ka jingİap, kan ym don shuh ka jingİashongkurim lymne ka jingpynshongkurim. Baroh kin İa long kum ki angel. ²⁶Da shisha phi la İa pule kumno U Blei u ong shaphang ki briew kiba mihpat na ka jingİap. Ha ka kitab ba u Moses u la thoh shaphang ka lawbniap kaba ing, ka ong ba U Blei u la ong kumne İa u Moses: ‘Nga long U Blei jong u Abraham, U Blei jong u Isaak bad U Blei jong u Jakob.’ ²⁷Kumta um long U Blei jong kiba İap, hynrei u long U Blei jong kiba im. Ma phi ki Saddusi, phi İa bakla!”

Ka Hukum Kaba Kongsan Tam

(Mt. 22:34–40; Lk. 10:25–28)

²⁸Uwei na ki nonghikai ka hukum u la wan sha U Jisu, haba u la İohsngew ba u İaisad nia bad ki Saddusi bad ki Pharisi. U la İohi kumno ruh ba U Jisu u jubab shai İa ki jingkylli jong ki. Kumta u la kylli İa U Jisu, “Kano na ki hukum kaba kongsan tam?”

²⁹U Jisu u la jubab, “Ka hukum kaba kongsan tam ka dei kane: ‘Sngew! Ah Israel, U Trai U Blei jong ngi u long uwei U Trai. ³⁰Men İeid ruh İa U Trai uba U Blei jong me da ka dohnud jong me baroh bad da ka mynsiem jong me baroh bad da ka jingmut jong me baroh bad da ka bor jong me baroh.’ ³¹Kaba ar ruh ka long

kane: ‘Men İeid İa la u para marjan kumba İalade.’ Kine ki long kiba kongsan tam na ki hukum baroh.”

³²Uta u nonghikai ka hukum u la ong, “Kata ka long kaba shisha, ko Nonghikai. Me kren İa kaba dei haba me ong ba U Blei u long tang ma u hi U Trai bad ym don shuh uwei pat U Blei. ³³Bad ba ka dei ban İeid İa U Blei da ka dohnud baroh, da ka jingmut baroh, da ka mynsiem baroh bad da ka bor baroh bad ban İeid İa u para marjan kumba İalade. Kine ki hukum ki long kiba kham kongsan ban İa ki jingainguh thang bad ki jingkİia ba ngi ai sha U Blei.”

³⁴U Jisu u la İohi ba uta u briew u la jubab stad, kumta u la ong İa u, “Mem long jngai na ka hima U Blei.” Bad naduh kata ka por, ym don shuh mano mano ba shlan ban kylli jingkylli İa U Jisu.

Hato U Khrist U Dei Shisha U Khun U Dabid?

(Mt. 22:41–46; Lk. 20:41–44)

³⁵Katba u dang hikai ha ka Templ. U Jisu u la kylli, “Balei ba ki nonghikai jong ka hukum ki ong ba U Khrist u dei u khun jong u Dabid? ³⁶Bad da U Mynsiem Bakhuid, u Dabid dalade hi u ong,

‘U Trai u ong İa U Trai jong nga:
To shong ha ka liang kamon jong nga,
tad haduh ba ngan buh İa ki
nongshun jong me hapoh ka
jingsynshar jong me.’ *Salm 110:1*

³⁷U Dabid dalade hi u khot İa U Khrist ‘U Trai.’ Kumno ka lah ban long ba U Khrist um long u khun u Dabid?” Kiba bun ki briew ki la shahshkor İa U Jisu bad ka la pynsngewbha İa ki shikatdei eh.

U Jisu U Maham İa Ki Nonghikai Ka Hukum

(Mt. 23:1–36; Lk. 20:45–47)

³⁸Te U Jisu u la bteng ban hikai. U la ong, To sumar na ki nonghikai ka hukum. Ki sngewtyynnad ban İaid kylleng kylleng ha ki jaiİkup kiba i shongkhia bad ki İeid ruh ba ki briew kin pynpaw ka jingİiew burom İa ki ha ki jaka İew. ³⁹Ki İeid ban shong ha ki jaka ba kongsan ha ki synagog bad ha ki jaka ba kham donburom ha ki İingkhawai. ⁴⁰Ki shim noh İa ki İing jong ki riewkynteh da kaba shukor İa ki bad ki pynpaw pat ba ki long kiba riewblei da kaba duwai İa ki jingduwai kiba İlan. Te ka jingpynshitom kaba jur kan long İa ki.”

Ka Jingai Kaba Shisha

(Lk. 21:1-4)

⁴¹U Jisu u la shong hajan ka synduk lum jingainguh jong ka Templ bad u la khmih katba ki briew ki thep ia la ki pisa hangta. Kiba riewspah ki la noh shibun eh. ⁴²Te ka riewkynthei kaba duk ka la wan bad ka la noh ar tylli ki pisa tama, ka dor jong ki, ka long jan shipisa.

⁴³U Jisu u la khot ia la ki synran bad u la ong, “Kane ka riewkynthei kaba duk ka la noh ar tylli ki pisa tama. Hynrei da shisha nga ong ha phi, ka la ai khambun ban ia kito kiba riewspah. ⁴⁴Ki te ki don kyrhai, pynban ki ai tang ia kata kaba sah tam. Katba kane ka riewkynthei wat la ka long kaba duk eh, hynrei ka la ai lut ia kaba ka don, wat ia kata ka bynta kaba lah ban kyrshan ia ka jingim jong ka.”

U Jisu U Maham Shaphang

Ka Por Ka Ban Sa Wan

(Mt. 24:1-25; Lk. 21:5-24)

13 ¹Katba U Jisu u dang mih na ka Templ, uwei na ki synran jong u, u la ong, “Ko Nonghikai, hakhmih ki maw kiba kat kine! Kaba katno ruh ka jingitynnad jong kane ka jingte!”

²U Jisu u la ong, “Phi iohi ia kine ki jingtei kiba khraw? Yn sa pynjot noh ia ki. Ia u maw baroh yn sa pynhap sha madan. Yn ym ieh uwei ruh u maw halor uwei pat.”

³Katba U Jisu u dang shong halor u Lum ki Olib mar pyrshah ia ka Templ, u Petros, u Jakob, u Ioannis bad u Andriw ki la kylli ia u, ⁴“To iathuh ia ngi lano ba kine kiei kiei kin jia bad kaei ka dak ka ban pyni shynna ia ngi ba yn pyndep ia kita kiei kiei baroh?”

⁵U Jisu u la ong ia ki, “To sumar! Ba phin ym shah shukor hano hano. ⁶Naba shibun kin wan ha ka kyrteing jong nga. Kin ia ong ruh, ‘Nga dei U Khrst,’ bad kin shukor noh ruh ia kiba bun. ⁷Phin iohsngew shaphang ki thma bad ki khubor shaphang kiwei pat ki thma ha kylleng ki jaka. Hynrei wat sheptieng. Kine kiei kiei baroh ki dei ban jia ha shuwa ba ka bakut kan wan. ⁸Ki jaitbynriew kin ialeh ia kiwei pat ki jaitbynriew. Ki hima ia ki hima. Kin don ki nemsniew bad ki jingkhynniuh jumai ha kylleng ki jaka. Kine ki long tang ka jingsdang jong ki jingjynjar, kum ka jingsuh ba nyngkong jong ka kynthei ka ban sa kha khun.

⁹Phi dei ban husiar bha ialade! Naba kin don ki briew ki ban kem ia phi bad ialam ia phi sha ki nongbishar namar ba phi long ki synran jong nga. Kin sympat ia phi ha

ki synagog jong ki bad yn tian bishar ia phi hakhmat ki syiem bad ki nongbishar. To phla ha ki shaphang jong nga. ¹⁰Ha shuwa ba ka bakut kan wan, ia ka Khubor Babha yn ialap sha ki bynriew baroh. ¹¹Wat haba la kem ia phi bad pynieng ia phi ha ka jingbishar, wat khuslai ia kaei ba phin kren. Iathuh ia kata baroh kaba U Blei un pynsngew ha phi ha kata ka por. Da shisha yn ym dei ma phi ki ban kren. Un dei U Mynsiem Bakhuid keiñ.

¹²“Ki para kin phai pyrshah ia la ki para bad ki kpa ruh ia la ki khun kin ai noh ia ki sha ka ban pyniap. Ki khun kin ialeh pyrshah ia la ki kmie ki kpa bad kin aiti noh ia ki sha ka ban pyniap. ¹³Baroh ki briew kin isih ia phi namar ba phi bud ia nga. Hynrei tang kita kiba iaineh haduh kaba kut kin iohlait im.

¹⁴“Phin iohi ia kane ka jingijli kaba pynjot ba ka da ieng ha ka jaka ba kam dei ban don—ai ba uta uba pule un sngewthuh—kita kiba ha Judia ha kata ka por ki dei ban phet sha ki lum. ¹⁵Ki dei ban phet khlem da pyntud bad ban ym sangeh namar kano kano ruh ka daw. Lada uno uno u don ha tnum ka iing jong ki, kim dei ban hiar ban shim ei ei na ka iing. ¹⁶Lada uno uno u don ha ka lyngkha, wat ai ba un leit phai pat ban shim ia la ka jaiñkup.

¹⁷“Ha kata ka por kan long kaba eh ia ki kynthei kiba punkhun lane kiba dangrit khun. ¹⁸Duwai ba kine kiei kiei kin ym jia ha ka por tlang, ¹⁹namar kita ki sngi kin long kiba dap da ka jingjynjar. Kin don shibun ki jingeh ki bym pat la ju jia naduh ba U Blei u la pynlong ia ka pyrthei. Bad kaba kum kata kan ym jia shuh pat sa shisien. ²⁰Lada U Trai um pynlyngkot ia kita ki sngi ba shyrkhei kawei ka mynsiem ruh kan ym iohlait im. Hynrei na ka bynta kiba la jied jong u, U Trai un pynlyngkot noh ia kita ki sngi.

²¹“Lada don ki ban ong ha phi ha kata ka por, ‘Hakhmih, hangtai u don U Khrst!’ Lane uwei u lah ban ong, ‘Utai hangtai!’ Hynrei phi wat ngeit ia ki. ²²Ki khrst lamler bad ki nongiatulypa ba shukor kin wan bad kin pyni ia ki dak bad ia ki jingphylla, khnang ban shukor ia ki briew lada lah wat ia kiba la jied jong U Blei. ²³Kumta to sumar. Mynta ba nga la maham ia phi shaphang kane baroh ha shuwa ba kan jia.

Haba U Jisu, U Khun u

Briew, Un Wan Pat

(Mt. 24:29-51; Lk. 21:25-36)

²⁴“Ha kita ki sngi hadien kata ka por ka jingjynjar,

‘Ia ka sngi yn pynkylla dum,
Bad u bnai un ym ai ia la ka
jingshai.
25 Ki khlor kin hap na sahit bneng
bad baroh kiba ha ka sahit bneng
yn pynkhynñiuh.’

26“Hangta kin iöhi ia U Khun u Briew
ba u da wan ha ki lyoh lem bad ka bor bad
burom ba khraw. 27Un phah ia ki angel sha
sawdong ka pyrthei. Kin ialum lang ia kiba
la jied jong u na kylluh ka pyrthei.

28“U dieng dumbur u ai ha ngi ia ka
nuksa: Haba ki tnad bung u ki long jyrngam
bad plung bha bad ba ki sla ba thymmai ki
sdang shylluut, te ngi tip ba ka lyiur ka la
jan. 29Ha kajuha ka rukom, haba phi iöhi ba
kine kiei kiei baroh ki jia, phin tip ba ka
por^d ka la long hajan, ha tyngkong hi keiñ.
30Da shisha nga iathuh ha phi ba kata ka
pateng bynriew ka ban iöhi ia kine kiei kiei
baroh kan ym leit noh tad ynda la pyndep
ia kine kiei kiei baroh. 31Ka bneng bad ka
pyrthei kin leit noh, hynrei ki ktien jong
nga kin sah bymjukut.

32“Ym don ba tip lano kata ka sngi ne
ka por kan long. U Khun bad ki angel ha
bneng kim tip lano kata ka sngi ne ka por
kan long hynrei tang U Kpa uba tip. 33To
sumar! To long kiba la khreh lypa, naba
phim tip lano kata ka por kan long.

34“Ka long kum u briew uba leit jingleit
bad u ieh ia la ka iing ha ka jingsumar ki
shakri jong u. U ai ha uwei-pa-uwei ia ka
kamram kaba kyrpang ban leh. U ong ia
la ki shakri kiba ap phira ia ka khyrdop
ban long kiba phikir bad kiba la khreh.
35Namar kato to long kiba la khreh, naba
phim tip lano u trai jong ka iing un wan
pat. U lah ban wan ha ka por janmiet, lane
ha shiteng synña, lane dang step phyrngap,
lane haba ka sngi ka la mih. 36Lada phi long
borabor kiba la pynkhreh, un ym shem ia
phi ba phi dang thiah, lada u wan kyndit ha
kano ma ka por. 37Nga ong ha phi ia kane
bad nga ong ruh sha iwei-pa-iwei: “To long
kiba la khreh!”

Ki Nongialam Jiw Ki Thmu

Ban Pyniap Ia U Jisu

(Mt. 26:1-5; Lk. 22:1-2; Jn. 11:45-53)

14 1Ka la long mynta sa tang ar sngi
shuwa ka Niam ka Jinglait bad Ka

^a 13:29 **Ka por** Kata ka por kaba U Jisu u iai kren
ha kaba kaei kaei kaba kongsan kan wan jia. Peit
Lukas 21:31, ha kaba U Jisu u ong ba kane ka dei
ka por ba ka Hima U Blei kan wan.

Jingkhawai u Kpu ba khlem thiat.^b Ki
lyngdoh ba kham hakmat bad ki nonghikai
ka hukum ki la wad daw ban kem ia U Jisu
khlem da don ba iöhi khngan ba kin iöh ban
pyniap noh ia u. 2Ki la ong, “Ngim lah ban
kem ia U Jisu hapdeng ka jingkhawai niam.
Ngim kwah ba u paidbah un bitar bad ban
long ka jingkhahwin.”

Ka Kynthei Ka Pynsleh Ia U Jisu

(Mt. 26:6-13; Jo. 12:1-8)

3U Jisu u la don ha Bethania ha ka iing jong
u Simon uba pang ñiangthohlieh. Katba u
dang bam hangta, kawei ka kynthei ka la
wan sha u. Ka la don ia u bilor alabaster ba
la pyndap da ka jingiwbiñ baremdor eh bad
basngur ba la shna na u jingthung ba iwbiñ.
Haba ka la plied ia uta u bilor ka la theh ia
kata ka jingiwbiñ ha ka khlieh U Jisu.

4La don te na ki synran kiba la iöhi ia kane.
Ki la sngewthud bad ki la ia khñium para ma
ki. Ki la ong, “Balei ban pynlehoeh ia ka
jingiwbiñ?” 5Naba ka dor jong ka, ka la long
kat shi snem ka bainong trei. Lah ban die ia
ka bad ban iarap ia kiba duk.” Bad ki la iakren
khñium ia kata ka briew.

6U Jisu te u la ong, “To ieh ia ka marwei.
Balei ba phi ia pynjynjar sat ia ka? Ka la leh
ia kaei kaei kaba bha na ka bynta jong nga.
7Kiba duk ki iadon bad phi man ka por bad
phi lah ban iarap ia ki ha kano kano ka por
ba phi sngewkwah. Hynrei phin ym iöh ia
nga man ka por. 8Kane ka briew ka la leh ia
kaba ka lah ban leh na ka bynta jong nga. Ka
la pynsleh ia ka met jong nga ban pynkhreh
ia ka ban tep ia nga. 9Ia ka Khubor Babha yn
ialap sha ka pyrthei baroh kawei. Da shisha
nga ong ha phi ba shano shano ba ia ka
Khubor Babha yn ialap, ia kaei ba kane ka
kynthei ka la leh yn iathuh bad ki briew kin
iai kynmaw ia ka.”

U Judas U Mynjur Ban Iarap Ia Kiba Shun Ia U Jisu

(Mt. 26:14-16; Lk. 22:3-6)

10Hadien kata u Judas Iskariot, uwei na ki
khatar ki apostol, u la leit ban iakren bad
ki lyngdoh ba kham hakmat shaphang

^b 14:1 **Ka Jingkhawai Niam u Kpu ba khlem
thiat** Ka taiew kaba donkam tam eh bad kaba
khuid na ka bynta ki Israel bad kiba hiar pateng
na ki. Ha ka por jong ka Testament Kaba Rim
ka sdang hadien ka Niam Ka Jinglait, hynrei
ha ka Testament Kaba Thymmai ki ar tylli ki
jingkhawai niam ki kylla long noh tang kawei.
Ban pynkhreh na ka bynta jong ka, ki Israel ki ju
bret noh ia baroh u thiat bad ki ju bam tang u kpu
ba khlem thiat haduh hynñiew sngi.”

kumno ban ioh aiti ia U Jisu sha ki. ¹¹Te ki la sngewkmen shaphang kane bad ki la kular ban siew ia u. Kumta u la wad ia ka por kaba biang ban ioh aiti noh ia U Jisu sha ki.

Ka Jingkhawai Ka Niam Ka Jinglait

(Mt. 26:17-25; Lk. 22:7-14, 21-23; Jo. 13:21-30)

¹²Ka la dei ka sngi ba nyngkong jong ka Jingkhawai Niam u Kpu ba khlem thiat, ka sngi ha kaba ia ki khun langbrot la ju pyniap na ka bynta ka Niam ka Jinglait. Ki synran U Jisu ki la wan sha u bad ki la ong, “Ngin leit ban pynkhreh ia ka Jingkhawai ka Niam ka Jinglait. Hangno me kwah ia ngi ban iabam?”

¹³U Jisu u la phah ia ki ar ngut na ki synran jong u, U la ong ia ki, “Khie leit sha ka nongbah. Phin iakynduh ia u bried uba kit um, to bud ia u. ¹⁴Ynda un rung shapoh ka iing. Iathuh ia u trai jong ka iing, ‘U Nonghikai u phah kylli ba phin pyni ia ngi ka kamra ha kaba ma u bad ki synran jong u kin iabam ia ka Jingkhawai ka Niam ka Jinglait.’ ¹⁵Uta u trai iing un sa pyni ia ka kamra kaba haneng ba la pynkhreh lypa. Hangta phin pynkhreh ka bam na ka bynta jong ngi.”

¹⁶Kumta ki synran ki la mih ban leit sha kata ka nongbah. Baroh ka la jia kumba U Jisu u la lah ong. Kumta kita ki synran ki la pynkhreh ia ka jingkhawai ka Niam ka Jinglait.

¹⁷Ha kaba janmiet U Jisu u la leit sha kata ka iing lem bad ki khatar ngut. ¹⁸Katba baroh ki dang iashong bad ba ki dang iabam ruh U Jisu u la ong, “Da shisha nga ong ha phi, ba uwei napdeng jong phi uba iabam lang bad nga mynta un sa aiti noh ia nga ha ki kti jong kita kiba shun ia nga.”

¹⁹Te ki synran ki la sngewsih ban iohsngew ia kane. Baroh na ki, ki la ong ia U Jisu, “Da shisha ym dei ma nga!”

²⁰U Jisu u la jubab, “U dei uwei na ki khatar, uta uba wiew ia la u kpu ha kajuh ka pliang bad nga. ²¹U Khun u Bried un shah jynjar kumba ka Jingthoh Bakhuid ka ong ba kan jia ia u. Hynrei kan long kaba shyrkhei ia uta uba aiti noh ia U Khun u Bried ia ka ban shah pyniap. Kan jin da la khambha ba ym shym la kha ia u.”

Ka Jingkhawai U Trai

(Mt. 26:26-30; Lk. 22:15-20; 1 Kor. 11:23-25)

²²Katba ki dang iabam, U Jisu u la shim ia u kpu bad u la ainguh ia U Blei. Haba u la kdiah u la ai ruh sha ki synran jong u bad u la ong, “To shim, to bam ia une u kpu. U long ka met jong nga.”

²³Hadien kata u la shim ia ka khuri, u la ainguh ia U Blei bad u la ai ia ka sha ki. Te

baroh ki la dih na kata ka khuri. ²⁴Nangta u la ong, “Kane ka waiñ ka long ka snam jong nga, ia ka ban sa theh noh na ka bynta kiba bun ban long ka jutang ba thymmai na U Blei sha la ki bried. ²⁵Da shisha nga ong ha phi, ba ngan ym dih shuh ia kane ka umsoh waiñ, tad haduh kata ka sngi kaba ngan dih thymmai ia ka ha ka hima U Blei.”

²⁶Ki baroh ki la ia rwai ia ka jingrwai bad hadien kata ki mih noh ia ka ban leit sha u Lum ki Olib.

U Jisu U Iathuh Ba U Petros Un Sa Len Ia U

(Mt. 26:31-35; Lk. 22:31-34; Jo. 13:36-38)

²⁷Hadien kata U Jisu u iathuh ia ki synran, “Phi baroh phin sa duh noh ia ka jingngeit ha nga. Ka Jingthoh ka ong,

‘Ngan pyniap ia u nongsharai,
bad ki langbrot kin phet sakma.’

Sekharaiiah 13:7

²⁸Hynrei ngan sa mihpat na ka jingiap. Te ngan sa leit sha Galilaia. Ngan don hangta ha shuwa ba phin poi.”

²⁹Te u Petros u la ong, “Baroh ki lah ban duh noh ia ka jingngeit. Hynrei kan ym long kumta bad nga.”

³⁰U Jisu u la jubab, “Da shisha nga ong ha me, ba ha kane hi ka miet ha shuwa ba un kynih u syiar arsien, men sa len ia nga lai sien.”

³¹Hynrei u Petros u la kren pyrshah jur ia kata, “Wat la kadei ia nga ban iap lem bad me! Da lei lei ngan ym len ia me!” Bad baroh kiwei pat ki la ia ong lang ia kajuh.

U Jisu U Duwai Marwei

(Mt. 26:36-46; Lk. 22:39-46)

³²U Jisu bad la ki synran ki la leit sha ka jaka ba la khot Gethsemane. U la ong ia ki, “To shong hangne katba nga dang duwai.” ³³Hynrei u la khot lang ia u Petros, u Jakob bad ia u Ioannis ban wan lang bad u. U la sdang ia ka ban sngewtriem bad sngewjynjar ruh, ³⁴bad u la ong ia ki, “Ka dohnud jong nga ka khia palat kum ban sa iap. Shong hangne bad to iai ap ruh.”

³⁵U Jisu u la leit kham jngai khyndiat na ki, u la dem ha ka khyndew bad u la duwai, ba lada ka long kaba lah ba kane ka por jong ka jingjynjar kan lait noh na u. ³⁶U la ong, “Abba,^a Ko Pa! Me lah ban leh ia kiei kiei baroh. To pyllait noh ia nga na kaba

^a **14:36 Abba** Ha ka ktien Aramaic, ka kyntien kaba iajan bha bad ka ktien Hebru, ba la ju pyndonkam da ki khyannah Jiw kum ka jingkhoh ieid ia la ki kpa.

dih ia kane ka khuri.⁴⁰ Hynrei leh ia kata kaba me mon, ym ia kaba nga mon.”

³⁷Hadien kane u la leit phai sha la ki synran bad u la shem ia ki ba ki iohthiah. U la ong ia u Petros, “Simon, balei ba me iohthiah? Hato mem lah ban peitngor tang shikynta ruh? ³⁸To sharai bad to duwai ba phin ioh ia ka bor pyrshah ia ka jingpynshoi. Ka mynsiem ka kwah ban leh ia kaba dei, hynrei ka met pat ka tlot.”

³⁹Sa shisien pat U Jisu u la leit bad duwai ia kaju. ⁴⁰U la leit phai pat sha la ki synran bad shem ia ki ba ki dang iohthiah, kim shym la lah ban peitngor wat tang shipor ruh. Ki te kim shym la tip shuh kumno kin phai ktien ia u.

⁴¹Hadien ba U Jisu u la duwai ha ka sien kaba lai, u la leit phai sha la ki synran. U la ong ia ki, “To nang ia thiah bad to shong jahthait. Lah biang katto! Ka por ka la poi ba ia U Khun u Briew yn aiti noh sha ka bor jong ki briew kiba pop. ⁴²Khie noh! Ia ngin ialeit noh. Hakhmih u la wan uta uba la aiti ia nga sha ki.”

La Kem Ia U Jisu

(Mt. 26:47-56; Lk. 22:47-53; Yo. 18:3-12)

⁴³Katba U Jisu u dang iakren, u Judas, uba long uwei na ki khatar, u la wan hangta. U la don lem bad u paidbah ba bun, ki da rah ia ki waitlam bad ki dieng tangon. La phah ia ki da ki lyngdoh ba kham hakmat bad ki nonghikai ka hukum bad ki basan.

⁴⁴Te u Judas u la iakut lypa ban pyni dak ha ki uno u dei U Jisu. U la ong, “Uta ia uba ngan doh u dei uta keiñ. To kem bad pahara bha ia u katba phi dang ialam noh ia u.” ⁴⁵Kumta u Judas u la leit sha U Jisu bad u la ong, “Ko Nonghikai!” Hadien kata u la iai doh bunsien ia u. ⁴⁶Kita ki briew ki la bat bad kem ia U Jisu. ⁴⁷Uwei na kita ki synran uba la ieng hajan U Jisu u la sei ia la ka waitlam, u la pom ia u shakri jong u rangbah lyngdoh bad mait ruh ia ka shkor jong u.

⁴⁸Te U Jisu u la ong, “Balei phi wan ban kem ia nga ryngkat bad ki waitlam bad ki dieng tangon la kumba nga dei u nongkam bymman? ⁴⁹Man ka sngi nga la don lem bad phi nga da hikai ha ki phyllaw ka Templ. Phim shym la kem ia nga hangta. Hynrei kine kiei kiei ki jia ban pyndep ia kaei ba ka Jingthoh Bakhuid ka

^a 14:36 **Ka Khuri** Ka dak jong ka jingshah jynjar. U Jisu u pyndonkam ia ka jingmut jong ka jingdih na ka khuri ban kdew ba u pdiang ia ka jingshahshitom kaba un sa iashem shen shen ha ka jingjia kaba triem.

la dep kren lypa.” ⁵⁰Hadien kane baroh na ki synran U Jisu ki la iehnoh ia u bad ki la phet noh.

⁵¹Uwei na kita kiba bud ia U Jisu u dei u khynnah samla uba phong tang da ka jaiñ linen. Haba ki briew ki la pyrshang ban bat ia u, ⁵²u la iehnoh ia la ka jaiñ ha ka kti jong ki bad u la mareh lyngkhuid.

U Jisu Hakhmat Ka Dorbar Ki Jiw

(Mt. 26:57-68; Lk. 22:54-55, 63-71;

Yo. 18:13-14, 19-24)

⁵³Kita kiba la kem ia U Jisu ki la ialam ia u sha ka iing u rangbah lyngdoh. Baroh ki lyngdoh ba kham hakmat, ki basan bad ki nonghikai jong ka hukum ki la ialum lang hangta. ⁵⁴U Petros u la bud ia U Jisu kham na jngai shaduh ka phyllaw ka iing u rangbah lyngdoh. U la leit shapoh bad u la shong lang bad ki nongap pahara, u da pynsyaid ialade hajan ka ding.

⁵⁵Ki lyngdoh ba kham hakmat bad ka dorbar baroh kawei ki la pyrshang ban wad ka sakhi pyrshah ia U Jisu khnang ba kin ioh ban pyniap noh ia u. Hynrei kim shem daw ei ei. ⁵⁶Kiba bun ki la wan ban sakhi lamler pyrshah ia U Jisu. Pynban kawei ruh na ki kam shym la iamir satia.

⁵⁷Te la don kiba la ieng ban sakhi lamler shuh shuh pyrshah ia U Jisu. Ki la ong, ⁵⁸“Ngi la iohsngew ba une u briew u ong, “Ngan pynjot ia kane ka Templ ba la tei da ki kti ki briew. Bad lai sngi hadien, ngan tei pat da kawei ka Templ bym shym la thaw da ki kti briew.” ⁵⁹Hynrei kata kaba ki la ong ruh kam shym la iamir.

⁶⁰Te u rangbah lyngdoh u la ieng joit hakmat baroh bad u la ong ia U Jisu, “Kine ki briew ki la kren pyrshah ia me. Me don ei ei ban iasaaid da pyrshah ia ka jingmudui jong ki? Hato ki kren ia kaba shisha?” ⁶¹Hynrei U Jisu u la shu sngap khlem jubab ei ei.

U rangbah lyngdoh u la kylli ia kawei pat ka jingkylli: Me long U Khrist, U Khun jong U Blei?”

⁶²U Jisu u la jubab, “Hooiid, Nga long U Khun jong U Blei. Phin sa iohi ia U Khun u Briew ba u da shong ha ka kti kamon U Blei badonbor baroh bad ba u da wan ha ki lyoh beng.”

⁶³Haba u rangbah lyngdoh u la iohsngew ia kane, u la tar ia la ki jaiñkup ha ka jingbitar. U la ong, “Ngim donkam sakhi shuh! ⁶⁴Phi la iohsngew ia kane ka jingkren beñ Blei. Phi ia pyrkat kumno?”

Baroh ki la iamynjur ba U Jisu u long uba la rem bad ba ka dei ia u ban iap.

⁶⁵Katto katne na kita ki brieve hangta ki la bynthiew ia u. Ki la tap ia ka khmat jong u bad ki la shoh ia u. Ki la ong, “Me long u nongiathuhlypa to iathuh ia ngi mano ba la shoh ia me!” Te ki nongap pahara ki la ialam noh ia U Jisu bad ki la sympat ia u.

U Petros U Len Ba U Ithuh Ia U Jisu

(Mt. 26:69–75; Lk. 22:56–62; Jn. 18:15–18, 25–27)

⁶⁶Katba u Petros u dang don ha ka phyllaw, ka shakri kynthei jong u rangbah lyngdoh ka la wan hangta. ⁶⁷Ka la iohi ia u ba u dang syaid ding. Ka la khmih bniah bha ia u bad ka la ong, “Me la ju don bad U Jisu, uba na Nasaret.”

⁶⁸Hynrei u Petros u la len bad ong, “Ngam ngewthuh satia, ngam tip ruh ia kaei ba pha kren!” Hadien kata u la mih noh bad leit sha khmat kata ka phyllaw, te u syiar u la kynih.

⁶⁹Haba kata ka shakri kynthei ka la iohi ia u hangta ka la sdang ban iathuh ha ki brieve kiba ieng hajan hangta, “Une u brieve u long uwei na ki.” ⁷⁰Sa shisien u Petros u la len pat.

Khyndiat por hadien kata, ki brieve kiba ieng hajan hangta ki la ong ia u Petros, “Ngi tip ba me long uwei na ki, namar ba me long u nong Galilaia.”

⁷¹Te u Petros u la sdang ban tim. U la ong, “Nga smai ha U Blei, ngam ithuh ia une u brieve ia uba phi iakren!”

⁷²Kumta kumta hi hadien ba u Petros u la lah ong ia kane, u syiar u la kynih ka sien kaba ar. Hangta u Petros u la kynmaw ia kaei kaba U Jisu u la ong ia u: “Shuwa ba u syiar un kynih arsen, men sa len lai sien ba me ithuh ia nga.” Te hangta u Petros u la sdang ban iamkthang da ka jingsngewsih.

La Bishar Ia U Jisu Da U Pilat

(Mt. 27:1–2, 11–14; Lk. 23:1–5; Jo. 18:28–38)

15 ¹Dang step bha, ki lyngdoh ba kham hakmat, ki basan, ki nonghikai ka hukum bad baroh kawei ka dorbar bah ki la rai kumno kin leh ia U Jisu. Ki la teh bad ialam ruh ia u ban aiti sha u Pilat uba long u Lat.

²Te u Pilat u la kylli ia U Jisu, “Me long u syiem ki Jiwi?”

U Jisu u la jubab, “Me hi, me la ong ia kata.”

³Kita ki lyngdoh ba kham hakmat ki la mudui shibun kiei kiei pyrshah ia U Jisu. ⁴Kumta u Pilat u la kylli ia kawei pat ka jingkylli ia U Jisu. U la ong, “Me iohi ba ki brieve ki ia mudui ia me shibun kiei kiei. Balei ba mem jubab?”

⁵Hynrei U Jisu um shym la jubab bad kane ka la pynlyngngoh shisha ia u Pilat.

U Pilat U Pyrshang Ban Pyllait Ia U Jisu

(Mt. 27:15–31; Lk. 23:13–25; Jo. 18:39–19:16)

⁶Man ka snem ha ka por ka Niam ka Jinglait, u Lat u ju pyllait ia uwei na ki nongsah byndi ia uno uno uba ki paidbah ki iapan. ⁷Ha kata ka por la don uwei u brieve uba kyrteng u Barabbas. Ia u lem bad kita ki nongleh be-aifi la set ha ka iingbyndi namar kata ka kam pyniap brieve ha ka por jong ka jingkhiiwin.

⁸U paidbah u la wan sha u Pilat bad ki la pan na u ban pyllait ia uwei u nongsah byndi kumba u ju leh. ⁹U Pilat u la kylli ia ki, “Phi ia kwah ba ngan pyllait noh ia u syiem ki Jiwi?” ¹⁰U Pilat u la lah tip ba ki lyngdoh ba kham hakmat ki la aiti ia U Jisu sha u namar ka jingsngew bishni. ¹¹Hynrei kita ki lyngdoh ba kham hakmat ki la kynshoit ia u paidbah ban pan na u Pilat ban pyllait noh ia u Barabbas, ym ia U Jisu.

¹²U Pilat u la kylli pat ia u paidbah, “Ngan leh kumno ia une u brieve ia uba la khot u syiem ki Jiwi?”

¹³Uta u paidbah u la pyrta, “Pyniap ia u da kaba sahnarphna!”

¹⁴U Pilat u la kylli, “Balei? Kaei ka kam sniew kaba u la leh?”

Hynrei u paidbah u la nang pyrta kham jam, “Pyniap ia u da kaba sahnarphna!”

¹⁵U Pilat ba u da kwah ban pynsngewbha ia u paidbah, kumta u la pyllait ia u Barabbas bad u la btah ia ki shipai ban sympat ia U Jisu da ki shabuk. Hadien kata u la aiti noh ia u sha ki shipai ia ka ban sahnarphna.

¹⁶Te ki shipai u Pilat ki la ialam ia U Jisu sha ka phyllaw jong ka iing bah u Rangbah Shipai ki Rom. Ki la khot lang ruh ia u pyrton shipai baroh kawei. ¹⁷Ki la pynkup ia U Jisu da ka jaiifi rong saw jngem, ki la thaw ruh ia u ka pansngiat na ki dieng shiah bad ki la buh ha ka khlieh jong u. ¹⁸Hadien kata ki la sdang ban pyrta, “Ngi nguh ia me, u syiem ki Jiwi!” ¹⁹Ki la iai tied ruh ia u da u dieng na ka khlieh bad ki da bynthiew ruh ia u. Nangta ki la dem ha la ki khosiew bad leh mynleh ban burom ia u kum ia u syiem. ²⁰Hadien ba ki la dep ban leh biria ia u, ki la law noh ia kata ka jaiifi rong saw jngem bad ki la pynkup pat ia u da ki jaiifi jong u hi. Nangta ki la ialam ia u shabar ka iing syiem ia ka ban sahnarphna.

La Sahnarphna Ia U Jisu

(Mt. 27:32–44; Lk. 23:26–39; Jo. 19:17–19)

²¹La don te u brieve uba na Kyrini uba kyrteng u Simon u dang rung sha ka

nongbah na ki jaka bri. U la long u kpa jong u Aleksander bad u Ruphos. Ki shipai te ki la pynbor ia u ban bah ia ka diengphna U Jisu. ²²Ki la ialam ia U Jisu sha ka jaka ba la khot Golgotha, kaba mut, “Ka Jaka Moloi Khlieh.” ²³Hangta ki la ai khyndiat ka waiñ ba la khleh lang bad ka mir, hynrei u la kyntait ia ka ban dih ia ka. ²⁴Te ki shipai ki la sahnarphna ia U Jisu. Hadian kata ki la iasam ia ki jaiñ hapdeng para ma ki, da kaba ia khalai ban shem uno u ban ioh ia kano ka bynta.

²⁵Ka la long khyndai baje mynstep mynba ki la sahnarphna ia U Jisu. ²⁶Ka la don te ka jingthoh ba la thoh pyrshah ia u. Kaba ong, “U SYIEM KI JIW.” ²⁷Ki la sah nar ruh ia ki ar ngut ki nongkam sniew hajan U Jisu, uwei sha kamon bad ia uwei pat sha kadiang. ²⁸Kane ka long ka jingpyndep ia ka jingthoh Bakhuid kaba ong, ‘Ki la buh lang ia U bad ki riewbymman.’ ²⁹Ki brieve kiba iaid nangta ki la kren bein pyrshah ia U Jisu. Ki da kyrngah ia la ki khlieh bad ong, “Me ong ba men pynjot ia ka Templ bad men tei pat ia ka tang hapoh lai sngi. ³⁰To pynlait im ialade! Hiar ruh na kato ka diengphna!”

³¹Kita ki lyngdoh ba kham hakhmat lem bad ki nonghikai ka hukum ki la don lang hangta. Ki la leh biria ia U Jisu kumba kita kiwei ruh ki la leh. Ki la iakren para ma ki, “U pynim ia kiwei hynrei um lah ban pynim pat ialade! ³²Lada u long shisha U Khrist, u syiem ki Israel, u dei ban hiar na ka diengphna mynta. Haba ngin iohi te ia kane, ngin sa ngeit ha u.” Kita ki nongkam sniew halor diengphna ki la iakren bein lang kumjuh.

U Jisu U Dkut Mynsiem

(Mt. 27:45–56; Lk. 23:44–49; Jo. 19:28–30)

³³Te ha kaba shiteng sngi ka ri baroh kawei ka la dum ngaiñ. Kane ka jingdum ka la neh haduh lai baje. ³⁴Ha ka por lai baje U Jisu u la pyrta da ka sur kaba jam, “Eloi, Eloi, lamma sabakhthani.” Kane ka mut, “U Blei jong nga, U Blei jong nga, balei me la iehnoh ia nga marwe?”

³⁵Katto katne na kita kiba ieng hangta ki la iohsngew ia kane. Ki la ia ong, “Sngap! U khot ia u Elijah.”

³⁶Uwei u brieve hangta u la mareh bad haba u la ioh ia u kynja sponj u la wiew ia uta ha ka waiñ kaba jew bad u la teh ia u ha u dieng. Hadian kata u la ai ia U Jisu ban kjit na u. Uta u brieve u la ong, “Ngin ap mynta ban iohi la u Elijah un wan ban pynhiar ia u na ka diengphna.”

³⁷Te hangta U Jisu u la pyrta da ka sur kaba jam bad dkut mynsiem artad.

³⁸Ha kata hi ka por, ka pyrda ha ka Templ ka la kad arliang naduh khlieh shaduh sha trai. ³⁹U rangbah shipai uba la don hangta hakhmat jong ka diengphna u la iohi ia kaei kaba la jia mynba U Jisu u la dkut mynsiem. U la ong, “Une u brieve da shisha u dei U Khun U Blei!”

⁴⁰Katto katne ki kynthei kiba la ia ieng kham ha pajih na ka diengphna, ki la iai khmih. Hapdeng kine ki kynthei la don ka Mari nong Magdala, ka Salomi bad ka Mari ka kmie u Jakob uba rit bad u Josis. ⁴¹Kine ki la long kita ki kynthei kiba la bud ia U Jisu ha Galilaia bad kiba la shakri ruh ia u. Shibun kiwei pat ki kynthei kiba la wan bad U Jisu na Jerusalem ki la don lang hangta.

La Tep Ia U Jisu

(Mt. 27:57–61; Lk. 23:50–56; Jo. 19:38–42)

⁴²Kane ka sngi la khot ruh ia ka, ka Sngi Pynkhreh. Kaba mut ka sngi ha shuwa ka Sabbaton. Te ka la sdang kem iong rein. ⁴³U brieve uba kyrteung u Joseph na Arimathaia u la long uba shlur u la leit sha u Pilat ia ka ban pan noh ia ka met U Jisu. Une u la long u dkhrot uba kongsan bha ha ka dorbar kaba hajrong. U la long uwei na kita ki brieve kiba la ju iai ap ia ka hima U Blei ba kan wan.

⁴⁴Te u Pilat u la kyndit ban iohsngew ba U Jisu u la lah iap. Kumta u la khot ia u rangbah shipai ba dei khmih bad u la kylli na u la U Jisu u la iap shisha. ⁴⁵Haba u Pilat u la iohsngew ia kane na u rangbah shipai jong u, u la ong ia u Joseph ba u lah ban shim noh ia ka met.

⁴⁶U Joseph u la wanrah lem bad u ia ka jaiñ linen ba thymmai. U la pynhiar ia ka met na ka diengphna, u la sop ia ka ha ka jaiñ linen bad buh ia ka ha u lum jingtep ba la tih ha synrang jong u mawsiang. Te u la khang ia kata ka jingtep da kaba pyntyllun ia u maw uba heh ban set ia kata ka jaka rung. ⁴⁷Ka Mari nong Magdala bad ka Mari ka kmie u Josis ki la iohi ia ka jaka hangno ba la buh ia U Jisu.

U Jisu U La Mihpat Na Kiba Iap

(Mt. 28:1–8; Lk. 24:1–12; Jo. 20:1–10)

16 ¹Ka sngi kaba bud hadien ka Sabbaton, ka Mari nong Magdala, ka Salomi bad ka Mari ka kmie u Jakob ki la thied katto katne ki jingsleh ba iwbiñ ban kyllan ia ka met U Jisu. ²Dang step eh ha ka sngi kaba nyingkong jong ka taiew, kine ki kynthei ki

la leit sha ka jingtep. Ka la long te dang step eh tang mar ia mih ka sngi. ³Kita ki kynthei ki la iakren para ma ki, “Don u maw uba heh uba tap ia ka jaka rung shapoh ka jingtep. Mano keiñ ban pyntyllun ia uta u maw na ka bynta jong ngi?”

⁴Te kita ki kynthei ki la khmih bad ki la iohi ba ia uta u maw la pynkynriah. Uta u maw u long uba heh bah, hynrei la pynkynriah ia u na ka jaka rung. ⁵Kita ki kynthei ki la rung shapoh ka jingtep bad ki la iohi ia u samla hangta u da phong ia ki jaiñ lieh ba jynsur, ba u da shong ha ka liang kamon. Ki te ki la sngew sheptieng.

⁶Hynrei u la ong ha ki, “Wat sheptieng. Phi ia wad ia U Jisu uba na Nasaret, ia uba ki la ia pyniap ha ka diengphna. U la mihpat na ka jingiap! Um don hangne. Khmih ia ka jaka ha kaba ki la ia buh ia ka met jong u. ⁷Mynta khie leit iathuh ia ki synran jong u bad ha u Petros ba u la leit ha shuwa jong phi sha Galilaia. Phin iohi ia u hangta, kumba u la lah iathuh ha phi mynshuwa.”

⁸Kita ki kynthei te ki la ia sheptieng bad sngewkulmar jingmut. Ki la ia mih noh na jingtep bad ki da ia phet kyrkieh. Kim shym la iathuh shaphang kaei kaba la jia, namar ba ki la ia sheptieng eh.

Katto Katne Ki Nongbud Ki Iohi Ia U Jisu

(Mt. 28:9-10; Io. 20:11-18; Lk. 24:13-35)

⁹U Jisu u la mihpat na ka jingiap la dang step eh ha ka sngi kaba nyngkong jong ka taiew. U la paw nyngkong eh ha ka Mari nong Magdala na kaba u la beh noh ia ki hynñiew ki ksuid. ¹⁰Hadien ba ka Mari ka la iohi ia U Jisu, ka la leit ban iathuh ia ki synran jong u kiba dang ia sngewsih jur bad ia iam. ¹¹Haba ka Mari ka la iathuh ia ki ba U Jisu u la mihpat bad ba ka la iohi ia u, ki te kim shym la ngeit ia ka.

¹²Hadien kata, U Jisu u la mihpaw ha ki ar ngut ki nongbud katba ki dang ia ia id ha la ka lynti hapoh shnong. Hynrei U Jisu um shym la long kumjuh ha ka dur khmat kumba ha shuwa ba kin sa pyniap ia u. ¹³Kine te ki la leit phai sha kiwei pat ki para nongbud bad ki la iathuh ia ki ia kaei kaba la jia. Ki te kim shym la ngeit ia ki ruh.

U Jisu U Kren Bad Ki Khatwei Ngut Ki Synran

(Mt. 28:16-20; Lk. 24:36-49;

Io. 20:19-23; Ki Kam 1:6-8)

¹⁴Kham hadien kane, U Jisu u la paw ha ki khatwei ngut katba ki dang iabam. U la pynrem ia ki namar ba kim shym la ngeit. Ki la long kiba mutlop namar ba ki la kyntait ban ngeit ia kita kiba la iathuh ba U Jisu u la mihpat.

¹⁵U la ong ia ki, “Khie leit kylleng ka pyrthei. Ialap ia ka Khubor Babha sha ki bynriew baroh. ¹⁶Uta uba ngeit bad ioh pynbaptis yn pynim. Hynrei ia uta u bymngent yn bishar pynrem ia u. ¹⁷Ha kita kiba ngeit kine ki dak kin bud kum ka jingpynshisha: Kin beh noh ia ki ksuid ha ka kyrteng jong nga. Kin kren ha kiwei pat ki thylliej. ¹⁸Lada kin rah ia ki bseiñ lane dih ia kano kano kaba long bih, kan ym pynsniew ia ki. Kin buh ia ki kti jong ki ha kiba pang, te kin iohkchia.”

U Jisu U Kiew Sha Bneng

(Lk. 24:50-53; Ki Kam 1:9-11)

¹⁹Hadien ba U Trai Jisu u la kren ia kine kiei kiei sha ki synran jong u, la rong noh ia u sha bneng bad u la shong sha kamon U Blei. ²⁰Ki synran jong u ki la leit kylleng ka pyrthei ki da ialap sha ki briew ia ka Khubor Babha. U Trai ruh u da iatrei lem bad pynskhem ia kata ka khubor ba ki ialap lyngba ki kambah.